

聖

留素堂詩刪卷五

浙西蔣薰丹崖著

男名世較

塞翁編

庚戌

成縣元旦

朝天感舊吏客舍出無車乍聽喧街鼓方知易歲
華休嗟元叔命如泛志和家折得寒梅供河陽早
看花

同谷草堂二首

落薄杜陵老草堂故寂寥七歌泠水石三賦仰雲
霄後客哀前客秦招續楚招塞翁歸自蜀戀此伴
漁樵

羅含猶有宅王粲尚無家谷響如鳴鳳

谷中有溪
鳳凰臺

光卽浣花徘徊鳥几在想像白頭嗟誰謂斯人遠
清風颯露葭

同連明府登受香閣看雪留別

鷄山空翠隱龍峽晚烟深攜我上床客倚君玉樹
林虛無含萬籟飄忽動遐心別意彈琴裡陽春白

雪吟

宿黃渚關

澗落門前水峯青屋後山村居自聚堡地險可當
關巖邑連同谷烽烟靜白還

白還堡與祁山相對
司馬懿屯兵處一作

環白獨憐髀肉盡下馬看刀鏃

人日山行

人日人行路空山不見人曾冰堅度馬淺水暗生
春冷落雪中斃欹斜頭上巾前村寒暮景茅店酒
帘新

還羗

塵甌土床舊草廬歸來未暇理殘書倦飛鳥鵲方
依樹無定浮萍始有居道路不知日月逝園林翻
憶故鄉踈此身何處堪謀食且與羗兒共把鋤

與挺之奕飲

累日東山奕開襄北海樽看君眼花落憎我手談
翻春事門前柳才情雪後園隴頭兩越客著處獨
溫存

寧遠縣舍有感

李令被
劾將去

吟閣酒壇舊客來主人懶散半塵埃入春宿草自
生綠前歲栽花未得開或泣或歌林外鳥為雲為
雨夢中臺今于署中新
構別院貯妾逝將去此須洒掃莫翦揚
州何遜梅

題署壁呈乾行明府同世玉世圭清侯諸子

山日不消雪東風會作寒相逢多失意對酒強為
懽裘敝難留客詩窮易去官獨予歸尚早流宕老
潘安

送李世玉之河南

旅興詩囊冷行裝戎服雄鄉思閩海外拏寄洛陽
東入幕休投筆屯田好掛弓

李子同曾都督屯田洛陽贈鞭容

易別且莫騁追風

小兒

買得水西種能空冀北羣四蹄靡白草千里墜紅
雲兔脫登山捷龍吟渡水聞詞人依暮齒早是慣

從軍

此馬于軍中得來

雪

坐覺晚窻明簷前鳥雀驚散花那有色裂帛不聞

聲紙帳寒逾薄玉山醉未傾掃他三尺水取次入
茶鑪

大人行

大人走驛平西蕃尚書持節副理藩更有兩蝦前
負弩駿馬危旌鼓吹喧河隴奔波文武吏風趨雷
動移崑崙候人絡繹關山道軍麾將出長安門監
司郡將分州邑悉索縣官供億繁香秬白麥盈館
舍孩豬乳犢空羗村土木鳩工窮聖斷玄黃傾笥
幕樞軒星羅公廨二十六民間夏屋無一存欲覓

騎尉司庖炙并選洛童侍晨昏諸公心力多勤苦
摠衣洒道如至尊須知大人重邊事不敢逍遙悞
塞垣
當事急索馬槽三百具縣官毀樓壁板以應
破壁如馳道虛樓豈舞床馬槽數可對官舍壞何
妨敢是周王駿休言宓子堂荒蕪從此始翦伐及
甘棠

邊詞

邊州過雨雪鋪城二月河水走馬行戍上黃花前
度落山頭白草幾時生

新交

勢利交難絕相知豈樂新請看蕭相客獨有邵侯
貧四海稱兄弟同堂視越秦悠悠安足恠隙末嘆
張陳

李明府花樹歌

眼見種花花已活去日牡丹綠葉脫宗生桃李蔓
葵根好得春風吹木末四面花軒結構成綺窻相

對碧紗輕舊巢燕子辭君室
花落花開有底情
送李錫夏林天胤二子之燕

津柳行堪折河梁馬色驄
黃金臺上客白草塞邊翁
光氣雙鉤壯依棲獨雀窮
送君東出隴一路向春風

二月十六日宿隴西舊寓

深愧主人問翁今何不歸難爲遷客况謾道故人
依題壁多零落傷心久式微鄉關憑塞雁曷日共
南飛

首陽道中雪行

匹馬出嚴關衝寒渭水潺蓬門隨處閉饑身不知
還短劍含清景悲歌激暮顏採薇人在眼無路上

西山

重過臨洮沈郡丞齋中

浪漫臨洮無定居歌長鋏短不求魚安心清淨常
依佛誤我文章尚讀書春夢醒時雙鬢改風波過
處一舟虛差池好似西飛燕遠道看人話舊廬

聞郭丞傳芳去冬卒于咸寧令我惋痛遙賦

輓詞一首

交結范張愧獨生那無一夢到邊城贈言今始知

詩識

郭贈詩別子云死生雖問訊離合已多驚

引坐誰能似老成不忍

驅車壚下過肯忘掛劍墓前情時流多在此人死

東望長安哭子荆

陪許太守沈胡兩郡丞同集太守屬韋生與

薰園碁或戲稱奕客口占見意

臣年雖老臣心壯慕蘭攀嵇自有鄰聊用忘憂非

奕客不因排悶是詩人

大草灘

灘在甘州境時遣喇嘛部大人勘議

西人求住牧國使遠臨邊荒服捐沙磧孤軍隔酒

泉廟謨無內外塞堠有烽烟信是羈縻策何如頗

牧賢

超然書院弔椒山先生

楊繼盛

次練撫軍原韻

浩氣如公獨致身一官九死竄涼秦生前不學神

仙尉

先生謫秋道尉

地下應隨龍比臣北闕諫書空化碧

東崑帶草自回春

書院在東崑上

茫茫洮水投荒淚尚有

登堂太息人

處處人

處處嗟來食年年塞上翁
因人慚脚短畏影覺頭童
天地何生我鬼神亦笑窮
表闕有土室得此謝三公
老大昔謂平康山
昔年湖海漫知名
老大塵污負此生
然諾何人是季布
窮愁如我一虞卿
交無勢利終須絕
鈎有鴻稽不用鳴
地近長安偏日遠
飛霜積雪隴山平

蓬萊

東海今年淺蓬山已露根
瓊瑤同朽木桑竹別開園
洲島容漁獵樓臺長子孫
仙人服藥少丹竈幾家存

崑崙

乞得崑崙地思同王母居
白雲將進酒翠水定多魚
好煮龜臺石休通漢帝書
防閑青島使世上浪相於

許松牖太守招集東軒

郡齋無俗事下榻野人期
白日焚香靜清談落塵

遲庾公元有興樂今故當知雅集春來少熙州

臨洮

此一時

公淵太守

東碑

碑

碑

使君能愛客薄暮未言歸促坐重移席傾尊送落
暉詩成洛下詠碁解白登園禮數輕時輩偏容老
布衣

觀哥舒翰碑

在臨洮北極觀

北極臨洮觀猶留節度碑

哥舒為隴右節度使

威名垂漢障

戰績服羗兒已泐燕然石如焚毳窟時至今牧馬
者不敢入西陲

清明

客中無日月塞外有清明草木偏知曆人生不及
情親魂萬里隔臣罪一身輕以此思墟墓凄然心
骨驚

奉送許松牖分巡東甌

樓船下瀨漢威儀瀛海無波坐鎮時地起長城連
越嶠日臨若木照西枝聽泉精舍石門瀑對客澄
江孤嶼詩緩帶輕裘羊叔子風流勝似習家池

閏二月十九日臨洮西行

清明過後柳初芽三岔河邊雨破沙官路無塵騎
細馬隔牆紅綻探春花

定羗驛宿楊氏園

臨洮西
七十里

駐馬定羗驛開園坐上床客來如看竹主到即稱
觴花木藏春塢河湟游俠塲暮年心尚壯千里向
龍荒

滴珠泉

定羗雙泉寺中
一名太子寺

板橋雙澗度珠水一林幽漢女佩將去鮫人泣未
休雲封虛是室月照白如鈎不向深公買披襟自

枕流

早發定羗

新楊殘月定羗西路遶春田小麥齊正是江南好
風景山村屋角亂鷄啼

寧河王鄧愈祠

將軍麟閣與雲齊絕塞荒祠落日低舊國山川新
草木更無人說鄧征西

愈為征西將軍直抵崑崙
崑山封寧河武順王

自寧河至安遠坡

河州東南
四十里

舍車陟砮動沙風極目西山積雪中二十四關袍

罕境河州為生蕃不敢渡河東罕郡

初入河州作初四里

邊城連塞北邑里潤河源佳氣三春雨長林萬頃

原州城在萬頃原下因人遠作客無策獻平蕃聞道甘涼

使宣威到玉門會師

風景積石武備

天漢終歸海禹功始導河尋源星宿近絕脉塞垣

多春水草囊渡水橋宛馬過關門遙寓目雪外見

蓬婆

落拓

風塵知馬足衰老剩鷄皮生事將何藉鄉園未可

期喜如浮海意愁是賦詩時落拓長城外眼無世

上兒

登鎮邊樓次解大紳先生韻先生謫河州衛

學士思親幾度秋解詩云隴樹秦雲萬里塞翁去

國更登樓百年遷客遙相望白水河西定白頭州

在大夏河西一名白水

曾傳袍罕破麻秋石虎遣麻秋攻袍罕困于大夏河上烽火平安冷

留素堂集 卷五 戊樓漢使今臨上紅水好聽消息海西頭大人至上紅水

議大
草難

雲還樓望雪山

監督府中樓也雪山去州西南百五十里

春暮凭高檻天清見雪山崢嶸青海上縹緲白雲間花發延瓊樹樓居待阿環未能生羽翼身滯鳳

林關

大夏河

源出大夏國經河州東北入黃河

罕豪已附漢夏水故東流何事通西域猶勞博望侯

金氏園訪蘇參軍雨若不遇

先生寓南郭老子到流沙門冷多栽柳園荒半種

瓜雲來偶渡水雀去未還家贏得春光好迴車載

落花

贈潘判官子戒

潘先為河州判流寓未歸

相逢大市兩在夫

州城內有大市中

攜手河橋短髮逋傳

爾詩驚時輩伯贈誰錢付酒家胡無州可易徒悲

柳有路多岐但泣朱人未歸南旅雁北春深已自

憶萼鱸

留素堂集 卷五 顯慶寺

象教西方近香林法苑幽蕃僧開寶地越客訪閑
丘松老承甘露經翻演白牛坐聞清磬響心與鬢
雲浮

過大司馬王莊毅公墓

公諱竑河州人土木
之變手擊馬順于廷

聲名垂土木墟墓委邊塵華表歸仙雀空山卧石
麟已無牢禮薦但有採樵人宿草春來發猶能指
佞臣

寶覺寺

萬頃原南寺松門向水田塔光開復合

塔建于鄂
國尉遲恭

嘉靖壬戌地震塔裂
萬曆庚寅復震而合

山色斷猶連鳥下知朝食僧

閒不坐禪鄂公香火舊龍象鎮西邊

唐初建寺以
鎮西蕃朶思

地麻之

河州上巳

生涯老劍缺春色到金微出塞難為意臨河安適
歸懶看雁北向空奏雀南飛少長山陰集邊庭襍
事稀

王守戎定侯招集柳渚同蘇參軍潘判官

飄零舊令尹豪宕故將軍已謝田禾事能同泥飲
羣水邊流羽爵林下卧春雲有感蘭亭序何辭柳

渚文

是日子擬蘭亭作柳渚
文柳渚州人呼爲磨河

三月六日雨雪

登樓披絮坐舞雪入簾斜採得于闐玉飛來回樂
沙碧滋分杏葉香冷減梨花西極天無盡茫茫可
泛楫

諸子

一老流離秦隴外九年教授括蒼中通侯休讓丁

恭爵諸子應知劉炫窮無夢可尋愁路遠有書不
達愧函空漢陽饑困歸何日謾說扶風我道東

中馬

平西遣官
中馬河州

招中平西馬千羣相九方珍珠來照夜
珍珠 卍藏蕃族名
銅骨登山響銀鬃覆雪長滇

南萬里路馳傳飽騰驤

龍泉寺與破頭上人茶話

古刹護龍泉僧來一指禪蓮花開鹿跡翡翠落香
烟好飲曹溪水能傳惠子玄鳳林雙樹下接引小

西天

河州

河州已在長城外人到河州入玉門地絕湟中天
未盡沙昏積石水初渾三千野碓雄榆塞二十巖
關限土蕃漢武開邊為郡縣後來更欲戰崑崙

題王守戎詩卷

星宿到流銀漢落有恨欲洗劉郎作桃花氣煖積
石波射獵夜歸醉尉呵封侯數竒少得意咤叱風
雲壯士歌君為我歌我為君舞誰能搗破彌衡鼓

咄咄一卷詩驚殺坐塚卧如屍鵲裘典盡不賣劍
斗大金印會有時漢陽詞客休言命還請將軍賦
競病

見王今上沈郡丞書知繫金縣獄八月矣有
襄而作

猛虎不張牙神龍如喪角牙角豈無存時會有否
剥芳蘭空自摧蛾眉既咸詠多見頑夫廉何恠清
流濁聞君寘叢棘使我號一握鷓鴣倖棲枝自言
依沈
鴻鵠未得桷心惻獄中書誰當辨和璞

送南客

馬策刀鐮不忍看
年年送客向河干
孤臣別路有餘戀
游子歸顏自覺懽
海上桑田春雨綠
天邊沙塞暮雲寒
南人北雁應回首
倘念東山少謝安

立夏後五日作

三月十六日立夏

猶是暮春日已為長夏
時燕來爭舊壘
花落暗新枝
只合昏昏睡
無然察察悲
九夷居可卜
關外即龍支

重登安遠坡

重登安遠坡

細馬危坡霄漢間
茅菴遙對鳳林關
白雲青草峯頭卧
更向天邊看雪山
雪山又高出坡頂

臨洮劉

惠聲

張謙

二子執門人禮來謁有贈

乍識西州士如逢洛下生
風流似張緒文采得劉楨
考緯登樓見聞名
倒屣迎斯文
應有屬才調
兩清明

洮上觀打魚

晚晚日西薄湯湯水北浮
臨淵方有羨彈鋏更何求
網罟多機事魚龍困逆流
洮人順水舉網以捕逆流之魚借喻語

未歸河海去樂國得無憂

四月六日東還

自臨洮還伏羗

出門春事早歸路蟪蛄鳴裘葛隨囊換風塵得句

清山分洮渭水

鳥鼠山東水入渭西水入洮

人雜漢羗耕秦塞

長城極頻年飲馬行

客中冷煖候愁裡短長亭塞草馬蓮紫沙田燕麥

青遂初元作賦歸去好傳經却似并州路鄉心涕

欲零

人歸

去年問我信經歲遣人歸鄉路憂難斷家書昨已

非未能離隴塞猶待送寒衣計日望秋到邊城雨

雪飛

憶遠

關塞五千路銷魂黯夕晨乍離同去鳥久別似陳

人言念樽前語空搔頭上巾北窻頻就枕那得夢

無因

把盞

天意難知問則那老來把盞不成歌謝安舟楫風

波大賈諛文章痛哭多鷄鶩河深朱圉渡羊腸路
折柳家坡世人欲殺誰憐見閉戶還須有邵窩

無因園居四首

乍歸心懶散浹日涉園居屋破未能補庭蕪且自
鋤漫吟無苦句小摘有餘蔬早謝門前客還迎問
字車

小園纔畝許一半是池塘覆檻楊枝密環洲菜甲
香暮禽相與語夏日不知長可似墻東隱無心治
草堂

天欲窮吾甚吾窮亦勝天詩能驅病鬼秫不戀官
田只住三間屋堪容萬斛泉雖然守寂寞却與塞
翁傳

積雨不開徑深林似隔山夢隨池上草身入定中
關忽見日初霽如逢人好顏勞勞車馬者幸勿到
其間

竹

短叢纏蔓草弱筍養成筠後此來看者先須問主
人

南風難解愠北草未忘憂何處傷心甚空堂渭水頭

萱
葵

葵

風雨一番過好花開傍林莫言衛足智徒有向陽心

萵苣

種菜不盈晦獨憐萵苣香憑人落我葉更覺此心長

魚豆

羞豆能緣木垂垂似貫魚小鮮烹亦得誰謂食無餘

張六垣明府過園居小集

停車問草舍避暑到林泉談劇忘長日樽開度小年摘蔬和露瀹就榻卷書眠不道無絲竹鳴禽學管絃

補衣

尚堪縫尺布不用袒偏肩典却狐裘後田衣將十

招董廣文張尉園飲

新水半池滿小魚一寸長閒來頻自涉興到可相
將所喜人皆醒不嫌我更狂韭盤未狼籍客散獨
揮觴

樓雨

雲山低就檻風樹近臨床漠漠迷寒郭蕭蕭極大
荒千家烟火寂雙燕話言長不覺拋書起側身何
處望

閣夜

開窻獨支頤憑几晚收帙月向山下明雲從樹中
出悠然興會來忽此窮愁失朝為旅人居夕是幽
人室

子帥于丁未歲題我寓壁是冬還閩近聞宦

遊掖縣久無消息庚戌夏五再過隴西其

詩猶在率懷口占

人歸南海今東海我續新詩感舊詩別去四年萬
里外隴西孤館一相思

留素堂集 卷五 三

孤臣久蒙難近事復憂心投畀多猛虎追呼無積

金薰留羗五年當事議發原籍追賠愬知逢彼怒死亦擇其陰愧

見江東老清流渭可沈息爽爽夏正再慶

贈渭源蔡滄洲明府

首陽吏隱只山居清渭悠悠不羨魚潘岳花封多

種樹蔡邕書籍自隨車匣中劍氣龍光動簾外松

陰雀夢餘門少雜賓非懶慢風流吐納有相於

慶平卯飲醉至窰店驛

清飲慶平酒醜醜倒接離但誇馬是電爭笑醉如

泥

早發臨洮

洮陽城北路車馬曉嶙嶙畏暑多行露臨河更洗

塵谿深從地出山遠與天隣跋涉當初伏艱難一

逐臣

宿沙泥驛

夏山無草木驛路有沙泥戴笠流人北當鑪落日

西傾囊五斗醉索筆數行題明發長城窟須聞棄

留素堂集 塞翁編 卷五 三

馬嘶時赴蘭州上書撫軍

夏山亂山苦寒

走馬亂山下邊風五月寒將無畏趙盾耐可凍袁

安敝盡羊裘綻逋餘雀髮殘村家沽薄酒但恐瓦

盆乾

摩雲嶺

路難如鳥道日極在雲端點點聚沙小蕭蕭灌莽

寒秦城臨濁水漢障倚臯蘭山不用丸泥塞將軍

獵草灘

蘭州

秦塞河源近蘭州地脉窮樓臺空碧瓦門戶掛雕

弓作賦鄒枚盡防邊衛霍同登臨望大漠猶在酒

泉東

肅王舊苑

無復靈光殿猶殘大小山歌塵遺扇積洲雀故池

還雪盡園無客風吹桂掩關空傳遵訓石文物舊

河間

王以御賜淳化帖勒石于遵訓閣為肅府佳本

寓普照寺郡丞公館

郡丞遊暑地蓮署是蓮臺幽覺禪房好喧聞駟馬
回曇花西域種恠石小山來館中石皆
肅苑故物昨夜添新
雨泉聲萬壑雷

逢仇

久客慚蘇季逢仇懼魏齊網羅何自密魑魅尚相
擠怨毒于人甚雨風爲我妻知今多狹路窘步在
洮西

排難

排難魯連意憂讒卽墨寃天高安可問臣罪不能

原老累皆書債生還是旅魂載濡惟有溺孤負手
援恩

河樓眺覽

樓在黃
河上

曠哉豁遠目從此見長城河水纔三折鄉心送萬
程槎通張博望樓下河橋
維舟爲之屯憶趙營平試聽涼州

曲時清未偃兵

游五泉山亭黃

緩轡馬行遲登山細路岐泉從石眼挾橋借樹根
垂亭榭忽高下雲林互蔽虧名園信可涉非是辟

疆爲
秦皇築城遠繚繞黃河濱當年白骨如山積到今
化作灰與塵灰塵漠漠天地閉長城鬼哭千萬歲
河西開郡過輪臺健兒回向長城涕不少沙場陳
死人難得長城窟下瘞

金城怨

白狐跳梁虎假之威蘭薰顛頽猶奪其馘我徂金
城進退無依僉人偏側烈士歔歛泥河上天庶攬

帝衣南望田里將安適歸

雨寒

寒雨忽生寒淒其形影單可無桑落酒不耐穀皮
冠長日攢眉過蒼天仰面看當門滋蔓草人意在

鋤蘭

晚眺
晚登普照寺
鐘樓眺賦

高臺空晚眺僧定不鳴鐘雨過山容好城空樹色
濃新泉南澗落廢苑北雲封潦倒淹歸客何居卜
去從

詩集 卷五 詩
悶悶

獨日虛度印須我友來沈郡丞林花榮復落簷鳥

狎還猜恨事十年淚愁心一寸灰已知非望禍婞

直恐無媒

獨居五絕句

獨居

煩惱且除却獨居一老僧看雲朝倚石聽雨夜然

燈

掃地

去住有何別心清萬事慵偶同摩詰癖不是學林

宗

洗石

愛他稜骨好可惜著塵污從識丈人面空齋興不

孤

六

除草不欲盡莫須生意傷階庭蘭玉地許爾近池

塘

絕粒米

留素堂集 塞翁編 卷五 三

欲炊無粒米飲水那充饑羞向監河貸日歸胡不歸

蘭州郭書升廣文惠然見過王世符爾
六年曾識百浪跡到邊城漫刺禰衡懶登門王粲
迎世情誰戀故我輩有同聲落落先生况猶兼吏
隱名

同金縣王令河州張廣文飲書升齋中

高齋少苜蓿朝日麗窻紗對奕憑烏几開筵泛紫霞
蘭州酒名圖書無寂寞賓客有光華不厭旅人瑣相

忘失路嗟

過嶺六月九日重過摩雲嶺

歷徧臯蘭倦出關金城長城飲馬復東還青峯片

片仙人掌不放洮雲晚度山

齋居臨洮郡齋

微雨連朝夕齋居滯我行砌花垂欲笑庭雀立無聲
天地如人病兒童亦世情浩然歸志决破產可

傭耕時撫軍已疏請勘沒

風波

風前看燭影波上識萍居物態元無定我心只自
如百年何局促萬事總空虛欲達浮生趣須還少
讀書此味人無與童亦世計哉然魏志中好書何
好雨愁還愁南還也放還未得守園林市上難售已碎琴攜去囊詩千
百首有司可冑抵黃金賈山
記憶貧家水竹居十年白麓蠹蟬魚只因是物能
窮我多恐無人問買書

志大復飲滄洲署中

往來煩地主聲氣念同人作吏青雲暮相知白髮
新說詩能得意勸酒不辭頻堪笑兩癡老浮沈共
渭濱

次孫雨阻隴西

縱歸無好日滯此更傷心破屋雨頽壁移床風偃
林炊烟因熱竈蟻蝨弔寒衾車馬門前客經過不
見尋

十一日

一日行藏悞此身吏隱非謝安慚遠志伯約姜維負

當歸到處皆顛趾何時可掩扉飄流無爇席穩卧
想牛衣

立秋逢雨不果還羗

早起淒風卷幔開一庭微雨送秋來點檢行衣裘

做盡歸人怕度歇涼臺

隗囂歇涼臺在伏羗

老君山上溼雲多小落門西渭水波秋雨絲絲秋
士淚欲行不得也哥哥

題寧遠潘尉壁

勿遽還東道淹留累主人情深鄉戚舊俗薄世途

新勢利交須絕顛狂意自真瓶壘爲我罄蔬水不
言貧

忽得郭丞澄城札驚喜屬筆

去年書問病相憐兩地風塵意惘然共說鄭虔泉

路隔方知蘇軾道山還新秋鱸膾將歸客

自謂清俸

丹砂故是仙

丞時攝澄城令

後此交期應未盡君車我笠

肯隨肩

滄洲明府索題手卷

我輩但學文章工世人爭笑宦遊拙書殘編絕作

蠹魚五十居官腰尚折蔡翁詩句得清新江左時

名老入秦自言作吏減吟興忽然落筆能驚人王

融為郎不道好白傅致政猶嫌早如何年少意氣

矜州縣勞翁且小草相逢良話叙平生四海同聲

舊弟兄酒錢却與陶彭澤蔡以酒錢相贈北樓還識謝宣

城滄洲宣州人

末路

弱骨不可換壯心徒未已終為辱賤人頓足喟然

起昔來蒙簪纓今去失田里撫軍有勸沒之疏我意可無

家累彼妻與子翻憎六十生胡勿五十死磊落一

狂夫末路乃如此

積雨

積雨

積雨秋草深園徑不復辨池水到堦除茅屋浮如

編老翁行住處縮足何由展昏塞天地愁溼熱陰

陽沴人事氣候俱泥中聊自遣庭花垂海喇羗人名鳳

仙花為海喇野味拾地軟溼地生藟日地軟亦羗語醉與童稚嬉貧

且衣裳典雲開會見日憂心亦可卷

戴別駕招集南安郡署逢袁吉人明府

高齋明月夜合坐各方人不道越吟苦還聞燕筑

頻別駕與袁令俱燕人留窮皆失路游俠自成隣北海樽中

酒分澆隴上塵

武子畧攜葡萄至

葡萄秋早熟消渴病初嘗色奪紫梨艷清分瓊液

香十年空憶酒此日滿承筐助我高談興因之出

睡鄉

七月十六日訟鞏昌太守于督院佇候讞聽

出塞蒙羈縶上書待質成君門雖絕遠制府可持

平清渭歸涇濁浮雲見日明所憑惟國法魑魅敢

橫行

山丹嘆

急雨過坡下廣吳坡回馬向山丹入門視我衣衣涇

風吹乾十日九行役况此妻以寒昨趨藩伯命揮

毫走驛間太守復來名奔波敢即安文章信奴隸

紙筆作衙官跋涉隴渭道頽挫鬱不懽何為守賤

業優孟有衣冠

秦安朱南浦明府見訪豈文章累交四秋旅

秦安朱南浦明府見訪豈文章累交四秋旅

秦安朱南浦明府見訪豈文章累交四秋旅

高軒枉草莽故里念粉榆窮豈文章累交因聲氣
爭省秋新令尹釣渭老狂夫一見如相識慙勤懈
暮途

命老僕董太彈琴

清英常掛壁汝試解吾憂莫奏枯魚曲且爲夢蝶
遊窻前聞落葉絃上忽悲秋大遁何時遂歸攜沮
溺儔

隴頭草

日因世故多自覺道心少神氣不充悅形容亦枯

槁共在泡幻中誰後天地老榮難萎復易不見隴
頭草

留別授圯集五仲容諸子

此去不同岑十年一寸心涸魚終失水飛鳥有遺
音落落交游合悠悠江渭深文章諸子事待價重
南金

郭九芝聞予南還千里餽贐感激之作

元卿三徑去杜甫十金須他人輕罷吏此老重在
夫已謂文焉用何知德不孤來書期面別未見意

踟躕階文試出神取辦不亦來書供百風未京意

連雨愁卑溼今朝懶下樓雲山欹枕上烟火冷厨

頭不受饑驅我相隨夢遠遊撫軍駐秦久牛馬走

諸侯

屢見

屢見大吏至苦雨欲埋輪當為陽春少豈以清路

塵上有饕餮子下有痛哭臣圍山晦不開渭水浩

無津供帳費縣令飲食窮羗民盤桓勿能去咆勃

胥隸嗔天變如可畏念彼泥中人

夜檢喬文衣孤燈詩有和

人與燈相偶燈因人覺孤風前多偏側雨下更荒

蕪山鬼吹不滅秋螢照若無灰心猶耿耿寥落暗

投珠

再次韻

鞘光劍閣冷流照渭陽深

喬詩作于劍閣予和在渭不共悲秋

夜無端繫客心伴猿蜀道淚咽水隴頭吟到處留

形影殘更背短衾

看山背臥余

我看山似人山對我如石人我得靜理山石同血脈能出無心雲可吸有髓液忽然石作言斯人亦佳客再穴贈

留羗

薰因羗民逋賦郡守藩使揭誣侵欺戊申歲隴右飢荒撫軍檄薰買糧抵賠今復題請回籍戶部駁奏留羗

險側宵人疏慈明聖主恩冤沈寬歲月歸去剩田園豈不愁關塞將無辱里門孤臣淪落久幾日得平反

忌祭有缺黯然而作

二十五年恨虛承救水權夢魂秋黯澹祠墓淚闌干風木猶爲子蘋蘩已罷官黃羊與蘆酒不敢薦杯槃

送顧介菴充使入京便還江南

謫隴居藩幕朝天作使臣官閒常道路裝重自清貧行色關山月歸途梅柳春邊城多故舊倘復戀

西秦

八月十四夜雨

天門宿雨減山光楊柳垂垂暗草堂待欲霓裳舞
素女故教今夜洗紅粧

十六夜

攜尊且莫再登樓八月猶看競渡舟越客坐談徵

故事四明今夕是中秋

宋史彌遠四明人先于十五日起朝宴次日設家筵

賞中秋至今四明以十六日爲
中秋節八月競渡亦越俗事

下八 羗中諸子求錄子集竊嘉其意

筆墨雖餘事艱危更討探詩窮因入蜀文老爲居

儋禍以虛名得

撫軍劾薰云
馳驚虛名

心無誑語慙草玄能

不朽早是識桓譚

嘉慶夜

夜長人不寐反側到殘更月影兼燈影風聲帶水

聲輕寒木葉下虛室草蟲鳴邊塞非吾土何爲寄

此生入幕

聽雨

心亂已難整雨零更覺孤聲非秋樹出寒入夜城

蕪淋慢打窻急隨風落葉驅不愁茅屋漏但恐卷

書污

別園

荒園如故友別去倍依依負此菊花好多應人跡
稀秋風寒欲落池柳老成圍浪漫隴西路想當雨
雪歸

入幕

去國猶蒙難依人豈為貧鷗羣隨處狎龍性暫時
馴豪士賦誰作白雪篇自親世無謝安石應不笑
嘉賓

不似淇瞻遊朔方未回看菊有裛

看淇瞻署中菊

賀蘭山下朔風寒可有秋花滿藥欄覓得酒錢

三萬歸來把菊已將殘

過陳參軍署贈次郎

益信

得有季方在猶如見太丘令聞真畏友新句壓詩
流桐桂豈無實珊瑚已作鈎不須題鳳去且與阿
戎遊

隴西郡齋感懷

兀坐無他事晴窻對遠林作書閒阮瑀草檄省陳
琳秋士空長嘯前人惜寸陰強為如意舞老驥獨

知心士空身漸前人帶古劍感為收意幾來
 萍居難自定萬里故山違顛顛靈均醒詠諧方朔
 饑乾坤何處哭貧病不知歸昨夜南村夢蘆花滿
 釣磯
 奕嘲
 忘憂袁令元奕無所用心時視敗猶言勝知雄只
 守雌七擒反未得三北劫何為非我手談徒因君
 面縛遲

亡是公

四千年易過

古今甲子云堯元年至萬曆元年癸酉計三千九百六十二年六十七甲

子億萬劫無窮著眼乾坤小安心泡電空才各逝

川水勢利落花風前古後來者幾多亡是公

不問鷹

金鈴照尾綠縑鞵饑飽依人不自由巢在樺林元

野獵曷來側眼作胡愁

首陽吟

流宕隴山西所思首陽岑未聞賜周粟爰作采薇

吟我將安適歸孤竹荒故林君臣不得意見弟有
同心

不見吟

不見吟梁甫二奄殺三人功多反獲罪嬰也非賢
臣不見阿大夫譽聞過卽墨左右爲先容求生安
可得不見彭澤令折腰輕去官無錢還送酒亦免
饑與寒

滿歌行

鼎鼎百年何爲偏側生我不辰憂思孔棘隴有積

雪渭有束薪衰有斂鳳孤有羈臣謂天聽卑絨口
焉問謂地載厚窘步焉奮江河浩浩嗟彼涸魚軌
塗坦坦駢此覆車陶饑未歸袁卧不起身如飛蓬
心如止水將謀夕餐采菊東籬言念古人非酒則
詩西望崑崙白雲縹緲山際無間尚來青鳥

袁吉水屬賦書中乾蝶

卧起初開卷窻前細草青尚餘尋夢蝶休照讀書
螢花影勾如舞秋風吹不醒神仙字可食五色未

彫零

留素堂集 卷五 九日同吉水登郡後園閣

何處登高好窺園緩步來空林蘿逕合小閣午風
開坐有陳蕃榻池無山簡杯孤雲如送客攜手望
鄉臺古水園瓶書中詩

尚四怨歌行

班姬詩陳后賦長門春草生團扇秋風暮屈原逐
虞卿愁抱石沈不悔著書窮莫售女因色棄捐士
以才出走才色兩事人恩情那能久旻天感號泣
大風發金縢自古皆有怨忠孝至今稱

旅觀

九月十五夜南兒忽至隴西自丁未別去大異

童稚時風塵之色幾不識認兒見輒啼予謂多
事因客幕難久留一宿還羗次夕獨寤念覲親
亦四千里外聚散如此不覺泣下

相見翻如夢更愁未見時兒來但涕泣我意轉嫌

疑嫌其泣近婦人復疑家有他故絮絮一宵話匆匆匹馬馳眼中

還聚散方作別離悲

不歸遙哭顧大龍光

不道故人死今年尚寄書素心泉路隔攜手竹林
虛欲卜歸荒徑先愁駕素車十金憐杜老念舊痛

何如去年顧子典衣貸予十金

永寧鎮嚴氏未產三男志所見

永寧古帝里爛熳罔霞開敢是三珠樹能生老蚌
胎無根芝草秀得氣隴春回野史先書瑞多男待
祝來

寓秦州張秀才宅見許鐵堂詩有裏作人畏

不為平原飲此來十日期空囊杜甫寓四壁許渾

詩去國悲生事孤身重別離秦州詞客地土室漫
棲遲

搖搖

搖搖一念至脉脉百憂來久矣忘生趣胡然痛死

灰青雲窮失路白髮老無媒猶未回天顧陰霾蔽

不開

十一月八日沈靜園郡丞代覲入京遣兒附

行潼關分路還越

送君朝薊闕託子度潼關王事煩家事秦山隔隴

山牽衣瞻父岫補袞近天顏南北皆星駕沈北愁兒南

予乘馬班

去馬不回首孤雲只在山十年飄泊淚京酒別離

間子舍有餘戀君門那可攀家鄉京邑遠側望隴

頭關雲

寄俞右吉

不謂行藏異飄零失故羣驚鳴悲棄野鵠舉羨歸

雲渭樹寒江外吳飲白雪聞十年辭舊社知有北

山文

因張翰廷得鄭元弢寄書

括蒼書問絕始寄隴頭人國士推兄弟元弢弟元

進門生叙越秦張鄭皆多應知放達不敢慙沈淪

所喜躬耕健君家老子真

柳下三飲歌

丹崖白髮垂兩肩手把瘦瓢大如船吟詩未了復

談禪醉來仰面問青天淇瞻官冷囊無錢欲向天

子乞酒泉一飲百杯猶初筵四更月落方陶然挺

之對酌眼光圓一口直欲吸長川醅醕敗興行不

前折取柳條當馬鞭
欲從今日醒不得舊杯空送酒
逢瓦爐煨楮袖草閣避沙風
肯似卿投轄相成半
醉翁

雪樓漫興

寒雲何漠漠飢雀故飛飛
案上書千卷山中天一
圍商歌忘我病雨雪念兒歸
歲暮將安適樓居形影依

復飲淇瞻寓次薄醉而還

不見陳司理

參軍以司理左遷

當能恕醉人頻邀蔣大令

且復漉頭巾踈酌無苛政
清謠可碎塵陶然安步
穩歸興任吾真

翁隴州

世庸

見寄東山集賦此以酬

塞外一寒絕四隣歌傳白雪隴
頭春愁於貧後添

新病愛是詩中見故人

集中訓贈有仲將道扶胤倩諸君

湖海交

遊終思越國門聲價自懸秦
歸途東道尋羊尹
晚客來可率真

隴山高寄周司馬

龍舒兼翁隴州

隴山高隴水深鳥飛不度魚龍吟隴山寒隴水絕
上有層冰下積雪我欲往今馬齒蹄美人相隔隴
東西

歲暮

忽忽歲云暮搖搖生更浮客愁催短景鄉思繫高

樓舊曆開春早

十二月二十四日立春

貧家獨樹幽倦還林

鳥聚羨爾得歸休

洪瞻西還戲言送之

早起晨光動西流一酒星君杯空自覆我眼向誰

青好蓄隴州釀

時翁隴州送參軍酒百瓶

休開鞞幕廳署門須

謝客留待蔣當亭

立春前一日羗妓擊鼓吹簫來報春至

爭看穠李下章臺羯鼓邊簫動地雷寬著羅衣濃

抹粉自矜春色十分來

雲休雨歇楚陽臺更借東風吹送來滿插綵花垂

寶髻逢人笑索錦纏回

雪

我眼明於昨開窗極遠
垌虛無能不染冷落獨爲
醒斷壑藏銀海高山映玉屏
清歌相對發下里有誰聽

除夕

家家守歲閉蓬門獨我孤吟
向柳園明日春風變白髮
一年寒夜送清樽憂來哭世
狂夫態老去歸田聖主恩節
使疏今馳驛上華撫軍疏請
釋放歸田邊城待漏望臨軒

辛亥自正月
至六月

元旦

侵星謁帝碧霄空人在西方
斗柄東送得去年窮已盡看
將今日劍猶雄春催剡棹山
陰雪香引江梅隴外風準待
歸來訪嵩華葛巾野服出羗中

四日

四日新年三度夢夢中春水
石橋邊大石橋
予舊居故鄉猶記騎西馬
翻笑南人會使船

人日

日催人老人留日人日高歌
巷有人吹簫羗人人

鎮

異調旅人別是一陽春

七日七
人大奇

思馬行

前年買得水西馬馬識人意人不知躡雲逐電有
餘力但謂此馬能驅馳朝遊隴西暮獵道兩日三
過沙灣滑星精黯澹歸天駟北風常作據鞍思櫪
上駑駘費芻豆錦幪寶絡空爾為

題借柳居圖

樓上孤吟客門前攜杖人看山常不厭問字亦何
頻柳色年年綠鷗羣個個馴雖非摩詰圖彷彿歎

湖濱

登樓

登樓我意懶倚檻竝高墉鳥雀喧寒樹牛羊下夕
峯主人原是客春令尚如冬有酒誚孤影須擎千
石鍾

走城吟

正月十六避百病羗童羗姥走羗城城上回看城
下女鞦韆高與羗城平北關舊聽胡笳曲南隣新
學楚歌聲今年似比去年好我亦踏莎城上行

留素堂集 卷五
張六垣明府輓歌
平秋如木湖波如土

泡幻爲人死反真悲歌蒿薤總灰塵旒車白馬歸

東海登州魂向新阡不入秦
我欲去羨無幾土同冢

隴雁

隴雁沙間集飢寒守故鄉胡然邊塞苦尚有不隨

陽

登封春陰

黃雲羌野合密漠覆春城側眼飢鷹立呼羣凍雀

鳴老人思隴酒稚子學邊聲寂歷誰知我江東一

步兵

晴

連林開晦色側嶺徧春陽此日登樓好他鄉託興

長近看釣渭叟高坐讀書床料有賓朋至呼童灑

草堂

華大中丞題請前令得宥竊喜南還有期

治邑無三載羈身竟六年臣冤讒衆口國是問蒼

天贖補中丞疏吟成越客篇同官已恩貸自此得

歸田

留素堂集 塞翁編 卷五 七

留素堂集 卷五
獨飲悶裏聞老僕彈琴欣然而作

薄酒孤斟夜虛窻意惘然琴非傳絕調興亦勝無
絃正作田園想猶多山水緣世將東問海與爾訪
成連華大中丞賦詩前令野客聯喜南歌亦興
草堂憑海寧沈生寄書南邨

越帛遲來雁羗書附去人我還當過夏兒到定迎
春省覲驚魂黯歸期作字真此行須早報盡室倚
門頻

柳坡行

羗城東望柳家坡坡下蹀躞坡上歌朝朝暮暮行
人去回頭愁見中灘河林有毒蛇水有蜮啾啾鬼
哭丘墟多枳棘蒺藜滋宿莽鳳凰麒麟將柰何歸
可矣留則那君不見雪雰消盡椒蘭發南國春風
長綠蘿

初春

初春消息得歸來十載艱難時命哀鄉戚偶于書
裏見溪梅只在夢中開舊居水竹當無恙末路身
名且一杯何必九方尋樂所蓬門倚杖可題槐

傳張奴遇僧住此題槐樹為歌曰樂所少人往
又日晦跡之九方余舊居有數百年古槐故云
遷老只

才原非遇主生亦不逢時信是迂踈老誰堪大小
兒劍雄將去水灰劫未填池欲定文章事丁儀只
自知

卧看南樓半面山日高城堞照林間欲教雀到將

書檢楊柳窻前喚小蠻

張翰廷領同學三子

畧凝

柳居合坐

三珠森海上一鶚到雲間同野金蘭籍升階玉符
班翦棠猶憩菱蠟屐且還山我道將南矣諸君自
鑄顏

暮烟

暮烟如作雨一圓出米家山草閣無人到空濛松石

間
不并林屋

上皇民已遠林屋似巢居東幹交窻密西枝帶月
踈習聞解鳥語久卧廢經鋤問訊今有幾汧陽一

紙書開讀長篇久恨熱熱難開晴今亦歎代恩一
 上皇不作叢林墨妙集每東神交意密西林帶良
 不作裏人句有誰同我心交遊存姓氏筆墨任浮
 沈可與魚鰕侶方知湖海深舊時主父客猶待散
 黃金

十年

十年不見故鄉春飄泊西州老逐臣田孟以來無
 長者蕭朱而後少交人未能久賣成都卜却思歸
 尋千里萼點檢新書裝白簾休嘲留與子孫貧

柳坡早候羅方伯

坐眺柳坡上中灘草未熏村飛沙隱路樹傍水屯
 雲已學為農耦猶同候吏羣折腰有何意支板對
 榆枌

朱南浦明府昆季同翰廷夜集柳居

纔下飛鳧鳥還停問字車嘉賓不速至薄酒亦須
 賒庾盤春剪韭羗鼓夜催花鄉語兼秦越起看河
 漢斜

送于秀才還隴州

留素堂集 卷五 青驄駿馬夕陽斜杯酒傳書汧水涯寄語尊師周

茂叔

周司馬龍舒

春風過後看蓮花

相期夏過隴州

楊雄老不曉事李白狂欲上天但得平生對酒何

須終日草玄

山中贈僧

古寺雲寒流水潺過溪迎客一僧閒且從贊老同

尋地不向深公問買山

同劉挺之暮宿張秀才家次宋守憲

琬

原韻

息駕卦臺下林昏白日速諸生延我歸就此高齋

宿虛窻納山光新構非板屋園癸初春花徑留舊

時竹斗酒良話深微雨紛雲族朝來理交杖流泉

響萬斛命儔愜素心藉草導蒼鹿啞然塞上翁久

矣謝微祿吾衰學易遲幸免敗轅犢

登伏羲畫卦臺

恭謁羲皇蹟虛傳卦畫存

俗傳雪時見八卦形妄也

神明猶廟

祀俯仰但乾坤一馬化為石三陽聚作村

臺北臨渭河中

有龍馬石三陽川皆民居民風仍太古得意欲忘言

三陽川 夙風沙太古詩意冷法言

細路直如髮 春風習習吹蕃城 空燕壘 漢寨靡熊

旗蕃家城在川北熊旗寨峽小川原 秘村深花柳

私百年爭戰地 淳朴上皇時

隗囂官秦州東 幸與眾

已無城北寺 猶識隗囂官 拾翠香殘徑 傷春花落

風鹿遊禾黍 裏盤出掖庭中隗羅玉溝頭水 泠泠

愁向東羅玉溝在

諸葛壘秦州東

秦州有遺壘 諸葛舊營空 牧馬隗官北 洗兵藉水

東沙塲生蔓草 戰骨起悲風 漢業成餘事 河山夕

照中

尉遲恭馬跑泉

將軍此飲馬 山下出蒙泉 自逐金牙蕃將 北蕃人遠

徙邊

遊麥積山寺 只許僧古外 鄧寶蓋 靈燈照

窮源雙澗合 水盡見孤峯 金地開丹嶂 香林種白

松雀巢七佛定山有上中雲鬢半巖封 到此心逾

淨虛空省暮鐘

登仙人崑

一逕通雲外山空只住僧古松偃寶蓋虛壑照然

燈

崑前有寶蓋然燈二小山

香妙花初散錫飛天可升西來有

靜者跌坐說三乘

宿東柯谷

駐馬東柯谷西枝半夕陽澗泉流入渭蒹草翦為

堂僧少贊公舊吾如杜老狂殮霞成一宿捉筆賦

空囊

李氏園石筍

秦州大西關南

石筍城南出根傳自蜀山紫分霞綺潤墨似虎文

斑五丁鑿不斷米老拜非頑今日丈人看他年霄

漢間

天水池

天一始生水秦州地位乾澄潭銀漢影灝氣白雲

鮮魚樂遊空碧人閒送逝川

池溢入藉水東流合渭

洗心有

妙理學易可忘筌

山寒雨宿祁山獨孤秀才家屋漏不寐

山家板屋小春雨谷風涼牛馬伏同樾主賓坐一
床挑燈空酒盞卷席覆詩囊側聽前溪水潺潺夜
未央
天一由平泉川入禮縣
萬山連地脉一水入天嘉柳葉兼飛葉梨花續杏
花人烟藏壑冷春鳥聚溪譚路過平泉盡城臨細
棧斜

正覺寺

禮縣城北
鸞亭山麓

野寺北山下臨高南郭平峯迴四壁立水落片雲

輕結坐看春綠科頭聽鳥聲更誰人說法雙樹想
經行

謝明府邀同劉判官宴集栢林寺

速客尋山約攜樽合坐懽梅林春已暮竹院雨生

寒浪漫遊元結登臨費謝安昔年幕府地

昔時爲
元帥府

醉眼戰場看

集潘秀才

文炳

齋中

引勝高齋會庭陰蒲薜蘿名花春事晚修竹夜聲
多記曲催紅妓揮杯卷白波老夫傾四座客舞醉

娑娑曲銷玉斝林香白池水夫則四望客我情

聞客談仇池竒絕率賦以記仇池在禮縣階州間

休作仇池夢欣聞十九泉方知山水妙不盡函圖

傳丙穴神魚見歲惟三月三日神魚出穴故杜云神魚不可見江雲石棧

連天橋人可度日下有桑田度天橋始至仇池橋濶三尺許長數十丈

西江感古

德輦才華翰苑聞集傳入洛比機雲唐王仁裕字德輦著有西

江紫泥入洛諸集只今惟有西江水欲枕清流夢籀文

城南野眺

柳垂花落水西流長道川合堰城河由禮縣城南經漢陽元帥府會洮水為江口

野寺溪春南陌頭無限春光隨杖履飛飛燕子入

高樓

寓瀛上人禪室所城楊家寺

丈室城隅靜開門見翠峯山名僧閒頻掃地客到不

鳴鐘砌竹琅玕直香雲瓔珞重遠公能下榻睡起

日高春

贈二妓得歌字二首

豈是漢濱至將從洛浦過明珠遺客佩翠羽墜庭

留素堂集 塞翁編 卷五 五

莎艷冶春山笑澄鮮秋水波能隨謝傳奕慣學雪
兒歌

龜年將進酒素女夜如何月殿霓裳舞梨園紅豆
歌彩雲飛不去西燭剪無多玉漏催檀板雙星耿

白河

魏少府置酒翠峯卽事

攜酒頻傾琥珀濃萬山深處醉孤峯老僧不解杯
中物獨自巖阿種小松

祁山晚眺

祁山留漢壁天水入江流天水經祁山落日荒荒

暮悲風颯颯秋慨然圖隴蜀恨此遇曹劉莫下英

雄淚三分借箸籌

鹽官鎮

屬西和縣

改邑井還舊熬波起白烟綆長收摺摺車小出延

延筭口難充賦隴外引課不行征商自昔年誰知

一勺水不足濟窮邊

青草坡

秦州志作青草嶺

夏日陰陰青草坡南風初度尚寒多是日空山誰

爲催吟興花落川流鳥自歌

見計目知周司馬以不謹被議作

未得遊吳嶽愁君去隴東在元能失職詩亦會留

窮落落存知己洋洋自大風青齊歸早晚相應友

聲同

得道扶都中書甚憫南還

初不期君出喜今失意歸折腰無弱骨輕世有危

機且卧柴桑宅休塵京洛衣耕田還種豆我貴在

知稀

張翰廷得妾詩

不須燒燭照今夕小星明素約蠻腰細波凌羅襪

輕秦川停織錦綺閣試擲筆憐取新人意雙眉早

画成

涇陽張丞式似過渭上借柳居同翰廷挺之

小集

巢縣張肯穀

張緒風流甚草堂作意登交游三輔俠拓落六安

丞入座何容易深談得未曾同心多似水涇渭共

清澄

初夏

徙倚高樓曠蕭閒白日長水痕初改漲山翠未全
蒼幽鳥窺人密溫風拂簟涼林深踈處好留得讀
書光

潘生

欽岳

書齋過飲率題

羗城一席地新構雅人居涉趣爲閒業澄心好讀
書期山將累石宿樹待安廬

生欲築臺以望南山將于老樹下營精舍

把盞經營久添君酒債餘

古獄行

子昂囚射洪李白繫潯陽多才命不達往往罹奇
殃蹇余罷羗令半日拘鞏昌他人以解嘲竊愧無
文章久滯借柳居自謂得徜徉老來相視太息
意徬皇問云是古獄於昔滿桁楊猶記鼎革初伏
屍蔽深汪何意犴狴地翻爲君子堂聞之如夢覺
我尚在園墻願攜豐城劍去此發龍光

望雨

朝雲蔽野夕雷驚石燕催陰鳩喚晴那得安陽王
稚子漫勞請雨束先生

留素堂集 卷五 為蔣生雍題扇

以吾一日長忝竊杜陵翁

杜陵蔣翁詡

將相河汾學師

生陳蔡窮五車推國士三徑有家風聞闔游天馬

須看被錦幪

雲泥硯歌

武都風洞龍銜燭

硯石出階州風洞中

石髓瓊漿似醴酥千

年蘊璞結黃玉郢人斧斲鳴天鷄木客夜哭山精

啼視之匪雲亦匪泥琢為方城擁萬卷龍賓十二

來偃蹇我當拜手摹秦篆

四月二十一日奉部檄到羗祭告亡親將還

破家非力子入塞慟亡親魚菽經年闕瞻依此日

真還鄉失宿老誓墓再生人捧檄悲兼喜從今貸

逐臣

從靜園入洮

肯為書記役心許故人初負弩非先路投竿可後

車洮陽黃草驛汾水白雲居

時將去洮之汾

聊作歸途計

虛徐且曳裾

龐膚公明府招同鐵堂乾行夜集

不憎吾罵坐復作主開尊同調皆貧賤無官尚弟

昆肯容公琰醉還到士元門此老豪猶在詩狂酒

海吞黃草灘水自雲氣

早登鳥鼠山對人休負答非次韻

出郭馳輕騎窮源渭過小岑野花垂露發山鳥宿

雲深渭北通羊堡伏羗有黃羊堡洮西極鳳林邊風吹白

髮折盡請纓心

洮北道中

沙風亂捲白於雲短劍長鞭塞日曛馬上詩成題

驛去河梁別友更遊汾

沙泥驛曉行次陳前輩裴韻

昨夜清塵雨前溪漲水痕更殘林鳥喚月落曉魚

吞老馬長城路危橋古樹根人烟榆柳外土屋小

成村

摩雲嶺次羅方伯韻

漫遊西度嶺迎客馬頭雲烽靜關無禁林深山不

焚雜花兩岸發啼鳥數羣分俯眺臯蘭小金城日

未曛

未熟端陽

塞上端陽插柳家土床卯飲撥琵琶兒童約項紅
 絲縷婦女鋪釵香棗花香棗葉如新楊花小而黃風俗自親知
 餉忝客居無緒獨裹沙明年此日歸方宅野老盤
 餐五色瓜

題蘭州普照寺

前朝留古刹象教演河東碧殿臨梁苑洪鐘出漢
 宮廊迴香樹外經轉法輪中滿壁虎頭画滄洲意
 不窮

章禮縣劉西和王莊浪三令同日下蘭州獄

慨然有作

世事憂生前人哀後人但言下邑苦難免上官
 嗔囹圄書中屋簷纓夢裏身不愁尊獄吏努力乞

錢神

金天觀感襄

明肅莊王建

瓊宮龍尾北灝氣肅金天別島藏槐國觀中多古槐流

霞引雀年玉棺無墓土丹竈但寒烟王子吹笙去

阿千空望仙

龍尾山在觀南其東阿千水上有望仙橋

淨界琉璃地如臨舍衛城寺在蘭州城中長廊沈函影古

壁應琴聲殿後一壁以手拍之其聲如琴佛定無心想僧閒不世

情踟躕樹下坐流水到門清

蘭州別袁吉水明府

金城東度隴山頭五月逢君兩敝裘此別河橋青

草路相思汾水白雲秋

留題臨洮郡齋

頻年信宿地去此黯蕭晨掃室非多事滋蘭待後

人逐秦歸有路適魏卜誰隣預計還村舍江干梅

柳春

別渭源蔡滄洲明府

我老不得請君歸應稱心時蔡以老罷艱難方出坎自謂

容易早投林言句癖憐同病囊空剩一琴倘能千

里駕湖海可相尋

別郭函九給事

竭來兩渭叟歸去一吳儂不隔隴頭月明明江上

峯

別楊雲嶠郎中

交不因人熱情能去俗浮十年如水澹一別似雲
流西隴關山月南村籬菊秋夢中江渭路無事各
登樓

送素公入漢中

訪師先入漢去國待離羗此地一時別相思何處
長空囊留半偈細馬治輕裝來日白蓮社重登惠
遠堂

招翰廷授圯集五仲容四子飲別

命可文章造勉勵四子生從憂患來自謂卽看履坦道不
苦困奇才勁翮冲天去孤雲出岫回勸君杯酒意
次第上金臺

送劉挺之判官遊涼州別

東道經天水劉寓天水予歸經此西轅向武威謂劉去留皆有
役窮困欲何依旅食長城外涼州在長城外鄉心故國違
遊汾未得歸鄉終須梅市隱握手可同歸

寧遠潘尉至羗話別

潘尉黯然別此情與衆殊世憎狂也肆我愛直而

留素堂集 卷五
愚重趺來三舍高歌盡百壺洗囊還腆贈不自謂
窮途

野鷲

鷲生朱圉山石穴爲巢與鷓鷹類背距皆綠色
眼長不側視其聲似猴項有白毛如環者名御
封鷲相傳前代一鷲能搏殿中妖狐賜以銀環
繫頸此其種云善擊林禽兼獲水鳥爲獨鷲焉
隴右部使者屬羗尉覓得見而詠之

朱圉山中石穴生金眸碧距玉環明鷓兄鷹弟汝

爲長獵水驅風獨橫行

依韻答伏羗張尉別

一官投界虎狼秦萬里歸爲湖海人日後相尋烟
水裏桃花漁艇武陵春

連達先明府寄詩兼回賦此奉酬

同谷有賢令憐予將適吳旣傳送遠句更作入山
圖江渭何當合接送田園不覺蕪接人引人歸興
好窮失步兵途遠句

難忘

翻覺去羗日難忘借柳居到門常有客出郭可無

車匙滑兒拳蕨盤鮮玉口魚渭魚無鱗口腴如玉料歸如異

域儉父學園鋤

再別翰廷進士

乍可秋風起柳居馬融東去漢陽虛融避亂西州後歸扶風

但憐羣彥多龍集安計窮途少特車清渭不歸三

折水北鴻能寄十行書君才獨勁燕公張說後佇望

承明早直廬

再別郭給事

幾年飄泊去邊城執袂猶能見老成不得扁舟同

有道應留三徑待元卿生來空讀循良傳世外徒

勞月旦評給事致書云近作隴右春秋志異事也而誣侯其一萬里相思看

北斗餘光遙借少微明

再別楊郎中

隴西知己有先生颯颯秋風感別情送酒曾憐貧

令渴著書不附富人名青雲舊業河東賦白屋初

歸谷口耕隼擬韓康同採藥販山無路寄黃精

再別陳參軍

留書堂集 卷五 三
久嘲我輩酒藏身醉眼看來少醒人玩世東方饑
欲死存生元亮影相親乾坤納納難容物隴越迢
迢自比隣去此誰留湖海士舟居無水罷垂綸

伏羗陳署令碩疆餞飲留別

眼見七年更七令如君來暮太丘才巖城特假尚
書履水閣頻邀明府杯羗笛吹殘風送去接羅倒
著馬馱回何時車蓋過東海細問河陽桃李栽

留別董廣文

先生多異概不獨振儒風造酒喜人飲談星憫我

窮交遊勢利外握別嘯歌中老驥輕千里猶能行
步工

槐蓋歌再贈董廣文

先生平昔不窺園涓濱教授闢師門當門非市何
雜選老槐偃蓋光風翻堂上坐覺琴書潤階前寂
無車馬喧綠陰欲浣扶風帳暑氣能消北海樽我
愛先生愛其樹攜手必在樹下言他日遶床枝合

抱願君得意駐高軒

呂蒙正應舉去自冬涉春方
回視床前槐枝叢生蒙茸合

抱是年登科十年
作相載劉氏鴻書

留書堂集 塞翁編

卷五

三

三

留素堂集卷之五終

留素堂詩刪卷之一

浙西蔣興薰丹崖著

男名世較

汾遊稿

去歲今我得去羗也會舊守已亡撫軍藩郡之謠

詠者相繼去于是公論敢伸凡官于隴右

辛著于羗者莫不為塞翁太息言之羅藩使乃

請于華撫軍特疏放還雖歸田有期勿能徒

步行四五千里也臨洮沈郡丞移守汾州資

其輿馬遂作汾遊王粲依表杜甫因武窮途

入幕豈得已哉寓汾數月返南村沈復供我
行李無所困乏有非劉荆州嚴節度之待客
者是不可沒云

辛亥

自七月至十二月

去羗二首

七月二日

去羗今日駕柴車留贈穰園別種瓜從此揮鞭折
楊柳不勞憑使寄梅花自慚無犢還官舍人笑將
床掛壁牙羸得輕裝作遊客短歌長鋏好歸家
班馬蕭蕭隴日寒十年坎壈老潘安白頭入塞空

題劍皂帽歸耕久掛冠渭水隨人如戀別南雲先
路不辭難丁寧羗父憐新令休爲羈臣扶杖觀

過天門山

放逐離憂強自寬餘生始得據征鞍天門不異太
行路似向歸人着眼看

早登丁華嶺

卽小隴

天路誰言遠登高一視平曉星侵馬跡流水學松
聲習習風初發蕭蕭劍不鳴于飛垂翼久效鳳尚
心驚

留素堂集
祝英臺墓

按寧波志梁山伯家會稽祝英臺家上虞梁死塋清道山下祝過梁塚哀慟地裂祝投而死今墓在清水縣不知何據

上邽城外水泠泠寫入哀絃粉黛零貞心誓死拚
灰土墓草蒼黃不欲青

度關山次劉前輩

文韻 關山卽琦韻 大隴

盤折心目紆密蒙巖壑窈後騎隱澗阿前車出林
杪袖重攜白雲身輕接飛鳥老覺山水癖一覽惜
未了生死事非大寵辱尤其小欲盡五嶽遊歷此
我見少

別翁隴州

寄札傳羗邑歸途出隴東交新別似舊神契面如
同古道班荆下鄉心贈策中高山行可仰吳岳遠
凌空

秦川憶劉判官

息樾無陰草路荒秦川清冷比瓊漿車如流水爭
東下更有羈人望斷腸

重宿汧陽公署

白髮南還已十年重尋傳舍尚依然暖風零雨邊

塵斷回首關山各一天

宿橫水

鳳翔府東二十里

平田開遠岫橫水遶孤竹大賈氍毹集高官車馬
屯西來千嶂合東望五陵昏苦熱侵星起秋風過
雨痕

過岐山縣追悼李秋潮明府

為邑皆難地生歸死獨號故人無絮酒今日始歌
蒿雲散潛龍尾風悲落鳳毛
龍尾溝鳴鳳岡皆岐地 旅魂招
去早開歲渡江臯
春初李櫬已歸

宿法門寺旁舍

淨界高原上陽溝香水圍塢輪懸日景村落接鷄
飛驛路人烟輳禪林魚梵稀息機猶未得塵映染
緇衣

扶風道中

右輔扶風舊中田比戶繁道旁沽酒脯林下散鷄
豚錦臺蘓蕙織絳帳馬融村
扶風有織錦臺絳帳村 望古斯
人遠悠悠孰與言

醴泉縣

留素堂集 卷一
百里殊風景斯邦望有年土焦空請雨醴竭不流
泉喘見牛眠巷喧聞雀啅田縣官勤禱祀以此欲
回天

早渡涇水

驅馬臨涇涘連峯隔水青度舟懸走索映樹倒浮
萍夏日猶餘畏秋聲不盡聽行行城郭近幾處西
烏亭

別涇陽張丞式似

傾蓋當亭杯酒寬定交相憶隴雲端高才落落難
爲意公子翩翩不擇官有句哦松休戀別到家看
竹得平安秋風乍起尊鱸美莫念前途范叔寒

別胡受大明府

秋風拂袂過涇干久別重逢會面難果是詩篇窮
杜甫皆于官序拙潘安草堂到處堪流寓竹徑將
來守歲寒君北我南秦越路一年一度雁書看

別咸寧郭丞九芝

日歸他日誤此別自今真入塞猶爲客還鄉尚待
春青門相執手皂帽獨傷神勉矣高車駕游汾後

載人

高陵道中

朝雨清塵馬足催
遠林陰翳擁樓臺
碧天欲盡白雲外
山到終南一半開

渡渭水

渭水茫茫河漢流
咸陽東下石鯨秋
阿誰渡口停車馬
獨作秦宮一段愁

渭南縣

東來風土好天意
亦分明雨起枯苗
色農勤廢地

耕村烟連驛樹渭
水帶山城見說徵
求少能容縣吏清

別華山

西嶽重相見流人
眼復青雖然識半
面已是得真形十
丈花難看多年睡
易醒名山遙拜別
玉女下雲輶

出潼關

東去潼關望隴關
五陵三輔萬重山
田園松菊荒蕪久
更恐歸來未得閒

同沈靜園太守渡黃河抵蒲州

風陵曉渡向名都河北有風陵關筆札將如谷永無下榻

能容漢太守行歌不改楚狂夫黃河滾滾知歸海

紫馬翩翩愧棄鴛老大浪遊三晉地秋風空自憶

東吳

宿蒲州普救寺

西廂舊日碧窻紗遶徧迴廊草逕斜坐對中條看

山色漫從玄女問桃花中條在寺南有玄女桃花二洞

小蠻分路去迢迢月上墻東思鬱陶今夕梵王宮

一宿明朝歸夢在樊橋次夜宿樊橋驛

安邑人送葡萄酒

久醞葡萄琥珀光逢人送酒問奇方可知白墜襄

陵釀不及元紅安邑香安邑人呼葡萄酒為狀元紅

聞喜縣懷古

漢武臨汾此地回捷書破粵喜顏開縣以南海樓此名

船矜遠畧秋風詞賦騁雄才應尋董澤騎龍去倘

向湯山駐蹕來侍從不同枚馬列空攜筆墨自刪

裁

留素堂集
卷一
曲沃道中夜行

努力夜中飯，信人已在門。
秋風吹白髮，宿酒醉黃昏。
陶穴柴荆蔽，山莊虎豹尊。
不須前路警車馬，寂無喧。

謁堯廟

平陽府南十里

廟祀肅平陽，巍巍仰帝鄉。
股肱從舜禹

以舜禹從祀廟中

衢壤起文章，龍藻衣裳麗。
几筵黍稷香，至今光被內。
億萬頌無疆。

寓平陽劉樸菴辛廉園居

看雲汾上及秋時，縹馬平陽行色遲。
假館高眠披散帙，開尊合飲對圍碁。
天涯芳草池塘夢，座外名山金谷詩。
愛此淹留作園客，鳧翁石丈儘相知。

題得月亭

近水遙山入画屏，微波如練晚峯青。
邀來姑射仙人到，却與姮娥共一亭。

連雨不得遊姑射山

馬上遙看真面目，到來雲雨夢難尋。
神仙不度飢驅客，愧聽林間山水音。

洪洞縣

雨過平蕪綠行行到郭門殘荷翻水曲密樹擁山
根驛路高車客人烟香稻村喟然此富庶耕鑿古
風存

豫讓橋

趙城縣南
十二里

豫讓愧後世至今傳其名橋下國士伏橋上衆人
行

蕭颯白楊樹

橋旁多
白楊

悲風動劍歌西流嗚咽水

恨激汾河

雨阻霍州同沈太守次壁間韻

秋雨秋風劍鋏長焚書投筆剝空囊路窮峻坂難
飛鳥門鎖青筠憶舊莊玩世十年聊答戲因人手
里不春糧自知駑馬當肥野猶傍朱轡控紫韁

霍山道中

前途問靈石縣百里盡山行虛壑生清籟連岡列
錦城黍垂宿雨重花發午風輕捉鼻為吳詠鄉思
獨季鷹

沿汾河北行五十里至義棠驛

留素堂集 卷一
夾岸青山宿雨收
重窰高閣曉雲浮
歸心愧不同
汾水水向南流
人北遊

始見壁間愛玉詩
再作絕句悼之
將軍豈是竇連波
孤負陽臺錯嫁何
海棠不得梅
花聘誰輓
秋風泣玉歌

八月三日入汾州郡齋作

磊落一狂士
因依作鄙儒
雖然知我拙
終是愧人
扶筆墨飄零
久形容黧黑
無平生不附
熱集苑自
如枯

一 詠秋海棠

海棠春色不如秋
深碧輕紅點砌稠
露冷難教妃
子睡詩成易遣墨
卿愁枝枝照眼明
光錦葉葉臨
風集翠裘
正是菊前蓮子後
鮮新獨占小窻幽

汾秋六首

風高露冷卜山秋

卽謁泉山子夏所居

藥裹詩囊伴遠游

帶遶黃河千里曲
歌殘隋殿彩雲流
側愁不作張衡
賦乘興還登庾亮樓
飄零海內誰知己
門下浮沈
客故侯

西河文教百年新落落潛夫願卜隣讀取名書坐

秋樹礪將暮齒漱東津

汾之隱泉有東津

踈狂自拂倚天

劍風俗宜隨折角巾望古高賢禮數畧不妨貪賤

可驕人

郡齋深鎖出無車微雨瀟瀟溜決渠孤枕早眠家

入夢故人追送驛馳書

咸寧郭丞馳書至汾

文章自可通江

渭田舍何當問里閭坐看白雲汾水上不知落葉

滿長裾

晴窻寂歷奈愁何月到庭柯老去歌朽腐簡編焚

白簾鮮新花草剪紅羅

剪紅羅秋花名

從今懶慢折腰少

自古才名落魄多試檢秋風辭快讀思同漢主泛

汾河

乍別高人翁隴州新詩誰與話風流關山明月共

千里文谷浮家孤一舟

文谷水西與文湖合

到老交游不待

絕他鄉聲氣更何求松筠久憶元卿徑杯酒徒憑

王粲樓

一車兩馬採唐風擊壤歌衢在眼中詩禮自堪今

退老河山空復昔爭雄

用子夏吳起事

隱堂洞冷生書草

萬戶峯青息野鴻隱堂洞萬戶山俱在汾境寓目猶然矜富庶
還憑化蜀有文翁

閱介休縣志感子推而作

負過應多十九年一蛇何事客書懸
焚山欲殺非無意欺世徒封縣上田

中秋

去年中秋在伏羌今年中秋在汾陽
浪蕩不歸爲世棄轉飄無定斷人腸
空勞詠史扁舟興可復登樓參佐傷
思家對月隔千里白雁霜前書寄鄉

盆竹

渭川千畝託長根盤錯塵埋老瓦盆
縱有故侯蕭

酒意

竹名蕭酒侯

修修不似在梁園

床月

寒床明月白如霜客裏何人不憶鄉
料得深閨愁對汝應憐一半照汾陽

庭鶴

堦前獨立不飛鳴深負雲霄萬里情
肯爲稻梁爭鶩食故巢安穩在青城

寺鐘

秋城風葉送疎鐘投老如僧何去從今夕聲聞發

深省梵宮一宿郭林宗

汾之天寧寺
即林宗故宅

登舒嘯樓

古風可喜尋陶穴空界忽驚上郡樓

樓在陶
穴上

秋氣

西山林木響晴雲萬戶綺疏浮鸞鳴噦噦

謂
嘯阿誰

聽雀啾啾故自由慚愧蘇門遙在眼

蘇門山孫
登嘯處

不禁阮瑀憶陳留

言思
歸也

九日嘯樓作

年年九日客愁催幾度登高醉眼開隨分可為舒

嘯地不知猶作望鄉臺天邊旅雁數行去汾上孤

雲一片來細看黃花如欲笑白頭頻覆掌中杯

五色菊

一叢秋菊對揮毫五色迎人奪錦袍自有故枝堪

寄做好花何意託蓬蒿

汾人以各色菊
接于紫白蒿上

再寄

潼關書去後再寄若為言送雁過汾水開春到竹
園此身猶北叟無夢不南村料理草堂好歸時勿

復煩良簡表令沅還燕見尋闕晤

北征今日賦推袁載筆蕭蕭過郭門汾上秋山能

送客白雲黃葉一孤樽

寄中書鄭舍人元闇

羗城萬里得書傳知是揮毫在日邊早有鳳毛棲

上苑不為龍尾蟄平淵途窮白髮長千丈話別青

山近十年信宿西河風未墜飄零吾道愧前賢

平懷喪歌

水有鷗鳧籬有雀沈浮喧啁何寥廓軒軒空負凌

霄姿垂頭顧翅支公雀仰天欲唳無九臯翰音多

恐嘲朱博徘徊近玩耳目前養翮將飛猶落託

逢吳江沈蓬萊五郎永信

庾信江關萬里餘秋風落葉聚寒除老夫歸思頻

看劍游子孤身且曳裾琴碎傳無中散引五郎父已止

囊空攜有十年書會須叔伯能相恤不用旄丘賦

索居

醉鄉

留素堂集 汾遊 卷一 七 卅

五斗先生隱醉鄉才名無復少年場縱然不得行
膾臆何必齋前種白楊

去日

去日多煩惱新年學屨提鷗情原浩蕩蓬轉自東
西子季可無肉彥倫尚有妻申菴今住得齋禁若
爲題

十月十日作

冰雪初寒換故衣鳥鳥集苑不思飛江南消息無
禾稼荒盡田園何處歸

汪沁州竹巖謂予不善騎聞而解嘲
下駟曾追上駟蹤十年前事笑吳儂那知一敗終
當勝盤馬卿看出蟻封

酒盡戲占

一盞醺人絕可憐坐來久覺口流涎壺乾咄咄陶
家土多恐抑掄有鄭泉

因澤州牛孛廉

卿雲

附札汪沁州

故人頻寄信今日一通書將憑南去雁可得北流
魚懶性輕投憤交情重繫裾孛廉攜塵過劉尹語

何如擬於南蕩之判官堯歸築亭子率言霽意
林深苦竹水中洲出入蘆花一釣舟但得休休到
人外王官谷是判官堯

縱酒

縱酒高歌頭髮鬢積唐松下卧清風可憐此世空
生我不敢逢人罵死公

因病

斯人真率爾因病念歸歟非是不勝酒祗緣多讀

書遂初孫綽賦流寓杜陵居久作汾陽客能忘舊
露車

進粥

先師節飲食不敢力加餐貿貿慵張目岑岑中薄
寒炊糜但自可裹飯莫來看貧也豈非病商歌且
正冠

汾夜

天風隨空庭葉撼夕蘊火土床以煖我席醉飽無
心盍歸方宅身非流隸焉用久客長夜不寐無思

無爲昨者何事飲酒賦詩豈伊乞食不拙言辭歲
將除矣日月逝斯誰謂朱門如游蓬戶錚錚檐鐸
逢逢漏鼓獨寤爲煩匪云樂土我有南村遙遙望
古九年不臘中心如何詎亦人子負疚獨多明明
宵夢亡父責訶開春脂轄敢復有它

家計

早晚爲家計來年返做廬饑寒與儼疏輕薄誠敦
書十笏將容膝扁舟已待漁斯言真可保遂我一
生初

宿醒

食酪夜委頓頗作老儻恙膈滯揮一杯薄責平原
狀能知酒中趣不及酒中量翻爲此物困谷神相
誚讓慨思豪飲年衰損非少壯

我初

我初故無著形役何所成分體天地中詎與草木
并失茲空虛妙霜露同衰榮人謂老將至達者知
其生本無懽喜地况多憂患情委心聊任運澹靜
得和平晏坐冥諸有出門徒怔營

歲暮

吾今六十二適同坡老年久淹汾之陽未可和斜
川行行逼開歲何以遂歸田鄰曲二三人想待石
橋邊豈無魴與鯉提壺不得前歲暮長旅食念此
心戚然

雨雪

疊鼓催六更眼光透窻紙虛白覺有竒披絮寒牀
起洞開四面幃身在瑤華裏爭枝鳥雀喧掃巷兒
童喜獨憐墜戶人無酒悶欲死痛飲焚離騷何必

成名士

雪後獨飲

今朝思飲酒不爲解飢飭天地卽看老園田是處
蕪目窮千里外身寄十年孤傀儡澆多許高歌盡
一壺

身事

身事從今定此生焉用文鴻妻能共隱伶子可無
聞釣月孤舟繫耕田五穀分素心人不得鄰老話
榆枌

留素堂集
覽清凉山志 卽五臺山

曼殊說法後萬佛聚河沙色內琉璃像山中眷屬
家至今開日菊隨處採天花形神我覺往齋設乞
無遮

慶成宮 慶成王故宮今為汾州府學

汾陽帝子宅遺構闕巒宮壁水流鳧渚簷鈴響竹
風不為馬隊處得出黍離中須是傳經者能參白
虎通

西園

剩水殘山草徑春西園翰墨委灰塵行經邀月臺
邊路不見紅粧賣酒人 慶成王于邀月臺令宮妓賣酒沽飲為樂臺在園山

除夕

爐添蘭麝夜何其送老年年客裏詩脯祭汾陽瘞
紙筆歸歟斗酒聽黃鸝

壬子 自正月至三月

汾陽元旦

身在并西家在南虛空無著老瞿曇不愁去日催
來日常住清凉曹薨菴 清凉山異草有三曹薨鷄足菩薩線

留素堂集 汾遊 卷一 七

夢鄭寶水

倦游未得去夢已到仙都三徑無歸客五雲有酒徒形神天地內老大友朋孤不負嵇康駕從君盡百觚

元宵

春燈今夜滿江頭明月中天上嘯樓雀背難騎沈醉客彩雲扶我到揚州

合火

卽江南烟火類

筠籠藏春次第看綵繩回架出雲端金銀燈火魚

龍戲開盡梨花一夜寒

卜山祠

卜子夏祠

次汾守郁浩原韻

退老還山此設科百年俎豆尚登歌經傳師弟詩書在俗美僕王車騎過草鞠空階愁寂寂松崩千丈仰峨峨西河遺敬如鄒魯猶見衣冠文物多

遊小相靈巖寺登萬安閣

莊嚴帝子構清淨梵王城風動開幡影松寒帶磬聲塔懸春水直簾捲雪山明歸興臨飛鳥憑虛杖履輕

留素堂集 卷一 大相崇勝寺

法傳西竺像碑記北齊年

寺建于高歡時

棟宇殘金碧袈

裟補水田僧癯同雀立槐老學龍眠欲問遠公社
無人種白蓮

咏石花魚

出石樓縣

盤餐美味似江鱸未到秋風憶故都食有河魚歌
有缺不如歸去釣鴛湖

鶴鳴洞

真人騎雀去空谷長松圍覓舞無留影聞聲似不

飛

遊人拍手則谷響如雀鳴

瀛洲何處駕華表幾時歸城郭汾

陽舊人民今已非

評次陶詩遺別沈太守靜園

晴窻卧起白雲扶歸去田園可未蕪留贈柴桑詩

一卷不勞更作五湖圖

宋陳執中判亳州其姪獻范蠡遊五湖圖即納節歸

二月十三日發汾州渡河宿香樂鎮

東郊春水駛懸索度征車灌木寒殘雪中田莽聚

廬馬馱書夾重雁落晚風徐日薄西山紫前村問

客居

白城遇郭叟進酒

白城在平遙縣東三十里

白城田父白頭人下馬持杯勸酒頻笑問北來何處去憐君老大健風塵

盤駝驛寄靜園

春風驛路馬蹄輕芳草隨人日日生黃帽自今還梓里白雲何處見汾城張蒼華皓應元宰龔遂功名未水衡勸沈休致不從故為諷語我到江東鄉味好尊鱸獨感使君情

宿北關鎮

祁縣東南七十里

北關祁氏邑祁奚采邑旅宿託山村古月沈龍峪龍舟峪每晦夜月精廬閉石門醉來為酒國卧處在雲根明發懸車度巖蘿次第捫

沁北山行

連山斷岸阻為谿積雪流澌費馬蹄烟火無多城郭遠萬松深處伏牛西伏牛山

汪沁州竹巖宴集留別

十年三日話憐見舊狂夫信宿丹陽榻劉豐華臨海厨羊箏人鹿角爪舞女繡羅襦牢落為懽笑生

還問五湖

暮止虎亭

虎祁宮館接銅鞮刺有黃沙白草齊山路坡陀流水急蕭蕭鳴馬日沈西

長子縣道中

點檢晨裝發繁霜二月春山連分地勢樹遠入天垠白髮臨邊吏黃冠去國身太行計日度無復慮摧輪

宿長平驛

高平縣北三十里

丹嶺東南路長平客舍清庭空含樹影風暖碎禽聲舊筆題詩禿荒園入夢驚相逢無驛使消息憶江城

巴公逢新婚者

巴公鎮在澤州北三十五里

風和絲管引香車珠妓成行繡蓋斜澤俗新婚以妓前導莫

道山寒春事少巴公二月看桃花

澤州即事

青青七嶺

在州北

麥苗新沁潞東來始見春馬上不

知過二月江南桃李笑征人

晉書卷一百一十五
天井關太行山上謁先師孔子廟

先師此地回車轍自古千人行路難吾道不容鳴
犢死唐風已墜剪桐殘松擎偃蓋瞻梁木石壘平
岡想杏壇而我過秦還去晉臨河應復有同嘆

過橫望嶺

摩天橫嶺作長城身道搏風心骨驚回首雲山迷
澤潞銀河萬里帶東京

下嶺至河內縣新店

長楊綻綠杏含紅山北山南候不同下馬銜杯寒

送盡羅衣纔得試春風

清化鎮

屬河內縣

河內江南一樣春平田流水少風塵園林到處皆
看竹但有酒家是主人

宿木蘭店

武陟縣北關

千家對宇客車延裘馬紛紛獨黯然載筆梁園思
作賦學耕冀野未歸田長堤虹遠平河水小郭泥
封細柳烟春事不禁又過半他鄉佳日惜頽年

渡黃河歌

二月二十九日渡黃河宿滎澤縣

留素堂集 卷一
公無渡河公渡河黃風黑浪可柰何朝發武陟暮
榮澤奔雷駭電翻石壁僕夫夙駕舟子招捩柁中
流人碎易沈湘欲攬東皇衣泛海哦吟將安歸斬
蛟投壁生意氣陰霾慘慘西日微縱使波濤涉忠
信自笑百年同一瞬出險似有神明扶留得青氈
雙白鬢黃風黑浪可柰何公無渡河公渡河

開封府

二十年餘風景新都城千雉暖生春洪河浩浩魚
龍伏古道延延車馬駟猶有夷門抱關者豈無梁

市鼓刀人緬想從來游俠窟信陵賓客久沈淪

韓堽旅次別金天虞明府

故人萬里遠相尋班馬蕭蕭不稱心我爲淳于盡

一石君從少伯致千金

天虞與佑
客留中州

歸來江上鱗魚

美別後園中徑竹深稚子未曾看客慣請聽野老
夏門吟

杞縣

覽風杞子國兩馬一車過土平坤德厚河潤禹功
多城郭臨南服村烟聚遠坡春耕人盡力綠野起

田歌

三月三日寧陵縣逢初度作

塵途虛襖事觴咏寄幽情忽漫昨來路

癸卯赴尤羗過此

憐今再生

誕日為再生日見遠史

旅次賓朋雜江南林竹清

歸當稱退叟此日選佳名

又題店壁

寧陵城下水曲曲可流觴偶到山陰客春風醉夕

陽

商丘道中

夾路長楊未掛絲杏花剛映酒家旗燕來雁去無

消息已是河南春暮時

宿會亭驛

策駕南來好欣然開我懷土風介揚豫春色近江

淮準擬即浮去相將與客偕郵亭軒一睡無夢落

天涯

永城縣大風

大地塵埃內茫茫慘綠蕪卷茅吹宿屋拔木落孤

雛野曠春城黯車遲我僕痛空懷歌猛士失路辱

泥塗

夢緣菴遇毘陵故人

和州進士葉萬善赴趙城令先一夕宿荒莊夢
 老衲攜沙彌相迎見鐘卧犬信于旁至三舖遇
 僧素白與弟子西來其鐘犬悉如夢嗣捐金為
 夢緣菴予于康熙二年癸卯秋奉檄令伏羗經
 此越十一年壬子南還訪素白已亡而西來亦
 不識予矣正嘆息間有南客過菴中彼此茫然
 坐而語知為毛子留鄴直是一夢兩緣也賦五

言以贈毛子

相見不相識問訊定萍居浪宕終憐汝衰頽轉痛
 予生還萬里外夢別十年餘欲復臨岐戀

毛北遊
予南還

因緣了六如

宿州南行六十里至荒莊

莽莽州南去行行我馬遑已無不則壞猶有未耕
 田目極窮天末身孤倚劍邊荒莊今夕宿好夢續
 前緣

連城旅舍金陵徐生攜妓至

計日青袍皂帽十三年

庚子上公車過此
今壬子已十三年

登關山

滁州西
二十里

隴頭滁右兩關山入越離秦從此還
羌笛十年看塞月江花一騎問
魚蠻久污雄劍風塵裏將託長
鑱草澤間不敢五噫瞻舊闕
先生歸去北窻閒

浦口遇雨

息駕尋津吏春江雁汭洞波濤
三峽下風雨二陵來濠泗
望氣吞吳楚驅山走電雷
故都金陵禾黍外吟向鳳凰臺

江上望夕

雨霽惟空碧潮平自画圖
妓樓臨月窟漁火吐驪珠
曲以青峯度詩如咏史無
江山久寂寞越客獨歌呼

東下潤州

芳洲能送客逝水稱歸心
自此江關去將為田舍
尋釋愁焚隴曲發興聽吳音
還問丹陽尹東出何處深

還鄉吟

春草碧兮水綠波浩浩鶯脰兮馬腸過
二湖瓶有
粟兮罇有醴還吾鄉兮耕田歌

臨素堂外集

嘉興蔣

薰丹崖著

男 名世 注

變連珠

夫連珠之始乎漢也每假喻以達意不援古
以指事傳玄言之悉矣予生也晚作者法於
諷興述者取於鑒戒語同連綴義異微顯較
班賈以來各篇等諸變風焉是曰變連珠

夫騷人有美常自序其風流文士相輕偏譏評於

伯仲是以園災之對因呂步而罪愚雕龍之篇得

沈約而取重南史云相如孟堅子長皆自序風流按史通序傳一章詳言作者自序基

于離騷魏文帝曰文人相輕自古而然傳毅之于班固伯仲之間耳而固小之文非一體鮮能備善

董仲舒私作高廟園災對主父偃竊其書而奏弟子呂步不知師書詆為大愚下仲舒吏當死劉勰

作文心雕龍成候沈約出于干之車前狀若貨鬻者約取讀大重

夫士當困阨之時良友難信其素身歷賤貧之地

貴客恐受其嘲是以簞食顏回猶疑塵飯之拾布

衣黃憲不樂軒冕之交呂氏春秋孔子窮于陳蔡之間七日不嘗粒晝寢顏

回索米得爨之後熟孔子望見顏回攬其甑中而

饋回對曰不可嚮者矣煤入甑棄食不祥回饜而

飯之孔子笑曰所恃者目矣目猶不可信所恃者

心矣心猶不足恃弟子記之知人固不易夫叔度

不見李膺問之郭泰曰泰以布衣交子以軒冕交

安得見

夫氣之剛者塞天不撓德之優者動物斯應是以

豐獄埋劍而斗牛避光瓠巴鼓琴而鱣魚出聽

剛能塞天琴德優能動物稽康曰眾器之中琴德最優晉時豐城令雷煥見獄中有光射斗牛間攝地得二劍曰干將莫邪一贈張華一留自佩韓詩外傳曰昔伯牙鼓琴而淵魚出聽淮南子曰瓠巴鼓琴鱣魚出聽成公綏琴賦曰伯牙彈而駟馬仰秣子野揮而玄鶴來鳴

夫三代之刑有亂政而作九章之律因變法而更

是以誅重參夷商鞅益甚其酷恩寬八儀周官乃

得其平

叔向日夏有亂政而作禹刑商有亂政而作湯刑周有亂政而作九刑商鞅改法為

律乃有漢律九章秦造參夷之誅參三也謂滅三族周官斷獄有五聽八議三刺三宥

夫青牛萬年還覺龜齡之短蜉蝣三日不及蠶月

之長足以元魏趙翁易代而壽樂安任子韜世而

亡

千歲樹精為青羊萬歲樹精為青牛道家之言鶴曲頸而息龜潛匿而噎此其所以為壽也蜉

蝣三日蠶二十七日大戴禮夏小正曰蜉蝣朝生暮死元魏正光初有晉武時人趙逸潘岳寡婦賦

日樂安任子威有韜世之量弱冠而終

夫木有五衢不及扶枝麗日花能四照何如桂影

出輪是以物本乎天下臨川岳人生於地上列星

辰

山海經帝休之枝五衢迷穀之花四照東海扶桑之木一日居上枝九日居下枝出輪之桂謂

月中桂

夫平康里中冶容妓在南曲宜春院內妙舞人向

前頭是以羅虬空比紅兒無能落籍師中欲買

麥不用封侯

北里志平康里京師妓坊有三曲錚錚者多在南曲教坊記右多善歌左

多工舞妓女入宜春院謂之內人亦曰前頭人嘗在上前也鄜州李季恭籍中有紅兒善肉聲羅虬

挑之不答作比紅兒詩百篇韓魏公帥陝西李師中過之為官妓賈愛卿賦詩云功成不用封侯印

只問君王
乞夢卿

夫豫木難識必需歲月之遙蘭芽未滋先雜棘荆

之下是以傳說夢賚良弼乃代役於胥靡相如氣

折強秦竟托身於宦者豫章之木七年而枝葉異

史記宦者令繆賢曰臣舍

人藺相如可使王召見

相如令奉和璧西入秦

夫籬棘叢刺而相傷谷蘭眾芳而不妬是以同根

兄弟參商象列于星躔異姓友朋生死神交于夢

路曹植詩本是同根生相煎何太急左傳子產曰

昔高辛氏有二子伯曰閔伯季曰實况曰尋干

戈后帝不臧遷閔伯于商丘主辰故辰為商星遷

實沈于大夏主參范巨卿與張元伯善元伯死巨

卿夢其來臨遂素

車白馬以赴葬

夫羅鳥蘋中莫尋片羽曾魚木上勿獲一鱗是以

負鼎之夫釋耒而來辛野釣潢之老投干而起渭

濱楚辭湘夫人云鳥萃兮蘋中曾何為兮木

上言鳥當集木曾當在水喻失其所也

夫骨肉之名惟稱父子手足之誼獨重弟昆是以

情切一堂非如四海以內恩淡知己敢假生我為

言呂氏春秋曰父母之于子也子之于父母也此

之謂骨肉之親論語四海之內皆兄弟蘇武詩

四海皆兄弟誰為行路人管

子生我者父母知我者鮑叔

夫義畫質而文生頡書濫而義冗是以國號有諱

則去走為隋家姓尚存則增乙成孔

隨與宋齊梁陳皆地名文

帝以走字義不祥去走而號隋孔氏宋人避華督之難去宋奔魯因乙卯之瑞附子姓為孔

夫樹瓠以大無所用取人以貌失所欽是以屬舞

巴渝李牧不勝長袖言追日御卻克但及分陰

子惠

日魏王貽我大瓠之種我樹之成非不枵然大也為其無用而培之戰國策武安君李牧身大臂短

不能及地謝靈運詩李牧愧長袖左氏傳曰使卻克徵會于齊頃公惟婦人使觀之卻子跛而登堦

婦人笑言李卻手足有疾不可以貌取人

夫技絕可失氏學絕則諱各是以魯師善琴爰號

琴擊漢儒善易遂謂易京

鄭玄曰師擊謂琴擊猶京房善易謂易京也

夫畫圖明君不成妍粉黛嫫母則似妓是以夏羿

篡始用寒泥而棄熊龍齊桓霸衰進豎刁而忘管

鮑潛夫論曰夫圖畫西施毛嬙可悅于心而不若醜妻陋妾可御于前也楚辭曰嫫母勃屑而日

侍嫫母醜女熊髡龍圍羿二良臣

夫匠石揮斤對郢鼻而斲堊伯牙撫軫側鍾耳而

調絃是以豫讓欲報智以生故斬衣請趙樊期寧

去秦以死可刎頸與燕莊子郢人堊墁其鼻端若

鼻不傷郢人立不失容宋元君召匠石為之時郢人亡匠石曰臣嘗能之雖然臣質死久矣伯牙鼓

琴鍾子期聽之知其志在山水讓伏橋下欲殺趙

襄子以報智伯馬驚被獲請襄子衣斬之而死

夫蔓葛不附一木 獲猪不定一豨 是以十嫁王公

夏姬冶容獨喜 五榮師相馮道 頑老自誇 宋人曰 既定爾

獲猪曷歸我艾豨以譏南子 滯于宋朝 夏姬三為 王后七為夫人 道歷仕五代 不附一木也 自稱癡

子頑老

夫巧言能取譬 怒氣不易平 是以毀玉子肩可止

爭財之鬪 履衣文摯 反遭痊疾之烹 人有爭財相 鬪者庚市子

肩毀玉而鬪者止也 事見莊子文摯視齊閔王疾 謂太子曰 王病得怒當愈 摯故不解 履登床履衣 王怒叱而起 病即瘳 將生烹文摯 太子與后請之 不得載 呂氏春秋

夫學求富貴則鄙 仕飾貧賤則欺 是以夏侯授在

明經 惟取拾芥于青紫 百里暑無張蓋 猶似烹伏

于屣屨 夏侯勝每講授 謂諸生日 士病不明經術 苟明其取青紫 如治地芥 百里奚相秦 勞

不坐乘暑不張蓋 其貧時烹伏雌炊屣屨

夫扁鵲善醫 有不醫 巫咸善祝 有不祝 是以疾在

骨髓 勿起桓侯之生神 降椒糝 莫協靈氛之卜 韓

扁鵲謂晉桓侯曰 君有疾在腠理 猶可湯熨 若在 骨髓 司命不能醫也 後召扁鵲 逃桓侯死 楚辭 云 巫咸將夕降兮 懷椒糝而要之

夫夸言忠謇 幾于自媒 惡處下流 將無眾嫉 是以

紛吾內美 沉屈子之離騷 賤子空虛 焚應璩之百

一 離騷經云紛吾既有此內美兮又重之以修能
賤子實空虛應詩句應休連作百一詩訛切時
事徧示在位者咸皆怪愕或以
為應焚棄之何晏獨無怪也

夫舉火乏薪樗散何能免此饌賓無具鷄黍未有

吝焉是以倖獲天年非不材之木當茂偶憐性命

豈善鳴之雁獨全 山中大木枝葉甚茂伐木者止其傍而不取莊子問其故曰無

可用莊子曰此木以不材終其天年莊子舍故人之家喜令豎子殺雁烹之豎子請二雁奚棄主人

日殺彼不能鳴者

夫三芝五藥漫欲餐霞神鼎丹經空言辟穀是以

長短有數莊生善養于盡年耳目不勞劉子扶衰

干抑欲 抱朴子曰五藥草木蟲石穀也三芝參成芝木渠芝連實芝也莊子養生篇可以盡

年郭象注云養生非求過分益全理盡年而已曹植辨道論曰劉子駿言人能抑嗜欲闔耳目可不

竭衰

夫避禍惟恐不遠溷跡自可同流是以猜忌越常

范蠡去江湖而得策謙恭王莽梅福為市卒而無

憂 史記范蠡既雪會稽之恥乃喟然嘆曰計然之策七越用其五既施于國我欲用之于家遂乘

扁舟浮于江湖變名易姓適齊為鴟夷子漢書曰梅福字子真少學長安至元始中王莽專政一朝

棄妻子去其後人見福于會稽為吳市門卒

夫小可現大智乃成愚是以用機殺身雉為媒而

猪為餌出類駮目蟻若象而蜂若壺莊子在公子

五十猪以為餌猪音介健牛也羅者以雉媒釣者以猪餌雉猪愚而自害也楚辭赤蟻若象玄蜂若

壺鮑照苦熱行云玄峰盈十圍

夫物類異形枯木有時可感人情同感鳴禽亦似

相憐是以田氏三荆本未撥而復茂桓山四鳥聲

一往而難還田廣兄弟欲分有三荆同本經宿萎黃乃日荆尚然况兄弟乎遂不分荆

復茂家語孔子在衛回侍側聞哭者聲甚哀子曰回汝知此哭何者回曰此哭之聲非但為死者而已矣又為生離別者回聞桓山之鳥生四子羽翼既成將分乎四海其母悲鳴而送之聲似于此為其往而不返也

夫亡國之臣非同蓬轉敗軍之士有冀卵完是以

縣賁父失御捐生魯侯贈耒商夷叔采薇不死野

婦譏彈說苑魯哀公曰秋蓬惡其本根美其枝葉秋風一起本根拔矣曹植詩轉蓬離本根

覆巢之下無完卵魯與宋戰縣賁父御莊公馬驚敗績死之公曰非其罪也遂誅之夷齊采薇而食

有野婦曰此亦周之草木也遂餓死劉峻辯命論云夷齊斃叔媛之言

夫有愁釋愁何愁可釋無樂長樂此樂可長是以

蘭畹穢蕪屈子道哀之物商歌金石原生卻病之

方楚辭滋蘭之九畹兮又云哀衆芳之蕪穢子貢訪原憲曰先生病矣憲曰予貧也非病也子貢

去而商歌聲出金石

留素堂外集

卷一

八

夫後來居上何須感憤於積薪因熱可炊豈必矯

情於滅竈是以吹噓狗監無妨司馬之才父老郎

官更見馮唐之傲史記汲黯謂武帝曰陛下用羣臣如積薪後來者居上梁鴻不

月附熱滅竈復然司馬相如由鄉人狗監之薦馮唐白首即官文帝見之呼為父老

夫菩提非樹豈有白木青枝世界如沙安得劫塵

佛土是以耆闍山裏可汰者一萬二千給孤園中

應逐者千二百五西域記摩竭陀國有菩提樹即畢鉢羅樹佛在其下成等正覺

因謂之菩提梵云菩提此云道也梁簡文菩提樹頌曰林開白樹日映青枝祖師曰菩提亦非樹明

鏡亦非臺世界如恆河沙歷劫為微塵法華經曰佛住王舍城耆闍崛山中與大比丘眾萬二千人

俱金剛般若經曰佛在舍衛國祇樹給孤獨園與大比丘眾千二百五十人俱

夫哀感之生時地有常聲音之感性情可借是以

向秀聞笛而涕垂孟嘗聽琴而淚下稽康死向秀過山陽聞鄰

人吹笛而悲桓子新論曰雍門周以琴見孟嘗君曰臣竊悲千秋萬歲後墳墓生荆棘狐兔穴其中

樵兒牧豎躑躅而歌其上孟嘗君之尊貴乃如是乎孟嘗喟然嘆息淚下承睫

夫技絕未必能勝大寶未必能求何則自貴者人

所賤自矜者人所尤是以羿射飛禽有誤中目之

愧卞懷璞玉反遭刑足之憂帝王世紀曰帝羿有窮氏與吳賀北遊賀

使羿射雀羿曰生之乎死之乎賀曰射其左目羿引弓射誤中右目抑首而愧

夫不死之道可學長生之人未聞是以金闕仙家

謾說島中羣鬼玉棺王子空留世上孤墳列子曰昔人有

知不死之道者齊子欲學其道聞言者已死乃撫膺而嘆商山四皓曰仙家者海島之羣鬼王子晉

尸解天棺未出誰想大寶未出誰想自貴昔人

夫掩背殯朽雖曰仁端蔗節備灰亦由數畢是以

殘如曹孟設校尉以摸金嗟彼滕公鬱佳城之見

日謝惠連祭古塚文序曰明器之屬多異種刻木為人可二十餘頭應手灰滅又云水中有甘蔗

節浮出不爛曹操設摸金校尉發掘墳塚西京雜記滕公駕至東都門馬以前脚踏地滕公使卒掘

地三尺得石櫛銘曰佳城鬱鬱三千年見白日吁嗟滕公居此室漢夏侯嬰號滕公

夫金穴銅陵終守財而致寇布被塵甑乃飾儉以

邀名是以當阨與人百萬錢可遺陸賈衣繡在我

十年裘何取晏嬰公孫布被范丹塵甑語曰與不

男分其子二百金令為生產陳平乃以奴婢百人車馬五十乘錢五百萬遺賈為食飲費賈以此遊

漢庭公卿間名藉甚

夫芳蘭擇地寧幽谷而生冀莢知時方終旬而落

是以陶潛祿位居上農下士之班陳寔侯邦司半

歲一年之鑰顏延之陶徵士誄曰爵同下士祿等

太丘上農蔡邕作陳寔碑云宰聞喜半歲

夫逐臭之夫不用葯房荃壁甘藜之子安知楚食

吳羹是以得寵無鹽笑丹青鄭袖無文絳灌怪痛

爨賈生海上有逐臭之夫楚辭曰荃壁兮紫壇辛夷楸兮葯房荃葯皆香草曹植啓曰予

甘藜藿未暇此食枚乘七發曰楚苗之食謂楚苗山出禾可以為食也吳羹即專羹

夫匹則秦晉開門第之先睦自潘揚承世家之後

是以擇義為壻雖坦肆可許其婚駭滿連姻惟溫

足偏彈其富左傳晉公子重耳至秦秦伯納女五人懷嬴與焉奉匭沃盥既而揮之怒

日秦晉匹也何以昇我潘岳楊仲武誄曰潘揚之睦有自來矣王羲之坦腹東床王源嫁女滿氏貪

其家計溫足沈約彈文云王滿連姻實駭物聽

夫唐堯就閒千歲乘白雲而可期黃帝語道一朝

拜順風而不怠是以荒遊七萃疲駿足于西池伏

志三山斷石梁于東海莊子華封人謂堯曰千歲厭世去而上仙乘彼白雲

至于帝鄉黃帝訪廣成子語道順風下拜周穆馳八駿至西池有七萃之士穆天子尊曰天子賜七

萃之士郭璞曰萃聚也聚有智力者為王爪牙三神山者蓬萊方丈瀛洲也在海中秦始皇鞭石入

海為橋

夫受氣遊魂知鬼神之神有狀聽談前席亮宣室之

不誣是以公子能啼偏豕立于道路恒靈降魄乃

燕泣于枌榆易曰精氣為物遊魂為變是故知鬼神之情狀漢文帝在宣室與賈誼談

留素堂文集 卷一 廿

鬼神事不覺前席左傳公子彭生死豕立而人啼
外史有燕憩榆而言曰吾乃桓靈之魄也炎炎之
室其將頽乎
言畢而泣

夫相救相憐聞歌不異河上同聲同氣與子有非
一身是以林回有言交醴可誠子皮已死知我何

人河上歌曰同憂相救同病相憐易曰同聲相應
同氣相求蘇武贈李陵詩曰兄我連枝樹與子
淡若水小人之交甘若醴

夫漢襲秦稱有皇后夫人之號唐仍周制有內官
贊治之司是以琴學關雎倚風蓄志于奪嫡位卑

百后無涓難匹于昭儀漢典因秦之稱號帝正嫡
稱皇后妾皆稱夫人凡十

四等周制後宮設內官以贊內治唐設六局四司
官皆選良家女充之韓王寵姬名倚風喜彈關雎
意在僭擬后妃漢時女官昭儀位視丞相
未至無涓共和娛靈保林等皆視百后

夫蒼梧駐蹕竹留皇女之斑江漢膠舟蘭褰娟娛
之食是以恭默思道淡居匪侍至尊徹政輕權巡

幸當防不測王子年拾遺記曰周昭王溺于江漢
二女延娟延娛王身同沒故江漢
人至春上巳日采蘭杜包裹甘味沉之黃憲巡幸
文曰聖辟不徹政而玩世哲主不輕權而荒體

夫猿臂善攀不能出檻鷹眼常側惟望脫鞵是以
淮陰就烹比盧犬而死漢子房知退從赤松以歸

韓信曰狡兔死走狗烹敵國破謀臣亾淳于髡
謂齊王曰韓子盧者天下之壯犬也張良從赤

松子遊沛郡有留縣良受封留侯裴子野
宋略曰高祖北伐次留城令修張良廟

夫河漢勿能飛渡龜鼉不可駕梁是以下瀨揚舲

吳相分行于三翼浮江削梯晉師決勝於龍驤越絕

書伍子胥水戰兵法內經曰大翼一艘廣一丈五尺二寸長十丈中翼一艘廣一丈三尺五寸長五

丈六尺小翼一艘廣一丈二尺長一丈晉王璿為龍驤將軍造舟伐吳其木梯浮江而下

夫善用其財不同朽腐能展其位無怪矜誇是以

燕昭之金既足延徠樂毅桓溫之勢亦能駕馭孟

嘉上谷郡圖經曰黃金臺燕昭王置千金臺上以延天下之士桓溫謂孟嘉曰人不可無勢我乃

駕馭卿見陶潛孟府君傳

夫虞舜登帝而命九官仲尼作師而厲六侍是以

威鳳在穴則梧竹交叢神龍上天則風雲流被尚書

舜命九官禹作司空棄作稷契作司徒咎繇作士益作朕虞垂作共工伯夷作秩宗龍作納言夔作

典樂尸子曰仲尼志意不立子路侍儀服不修公西華侍禮不習子貢侍辭不辯宰我侍亡忽古今

顏回侍節小物冉伯牛侍曰我以夫六子自厲也

夫容服是炫則沐猴可冠粉堊為華則糞土可舖

是以擊鐘之樂張里侈夫馬醫連騎之豪濁氏飾

其胃脯漢時翁伯以飯脂而傾縣邑濁氏以胃脯而擊鐘張衡西京賦曰若夫

翁伯濁質張里之家謂此也

夫榮辱之受何可定焉出處之期甚難言矣是以

兩疏優譽偏在去官二唐點汚翻因潔已漢疏廣與兄子

受宣帝時竝為太子師傅以老告退餞送東都門時人以為榮謂之二疎唐林唐尊以潔履著名于

成哀之世比楚二龔後皆仕王莽左思曰二唐潔已乃黜乃汚

夫靈桃可摘何如淪我園葵大布可衣且莫困人

赤紱是以讀老莊為丹外之經視雞犬皆雲中之

物陶弘景葛仙公曠曰猶如執戟侍陛豈謂三摘靈桃鮑照園葵賦曰乃羹乃淪堆鼎盈筐莊子

衣大布而補之

夫位極公侯出牧無妨分陝賤淪巖穴濟川有待

作舟是以玄冕上慚曹植猶思自試褐衣名見禰

衡須俟旁求周召以公侯分陝治外傳說濟川作舟曹植求自試表曰上慚玄冕俯愧

朱紱孔融薦禰衡表曰旁求四方以招賢俊乞令禰衡褐衣名見漢書劉敬曰臣衣褐衣謁見

夫進良不貴德則有良必遺勸勞不重功則有勞

失錄是以儵魚樂靈沼白龍易服而曝腮駑馬入

天閑赤翼駕車而馬足管子曰德未明于朝而處

見于國而有重祿者則勞臣不勸白龍魚服困于

豫且戰國策楚客謂春申君曰騏驥駕車吳坂遷延負轅而不能

進易曰馬馵足

夫耕九餘三歉歲何愁有嘆畝平且廣冷風更喜

無災是以號公進諫宣王不藉于畝賈誼上陳文

帝爰事三推九年耕有三歲之餘不愁凶歉呂氏

剛欲小以清又曰正其行通其冷風高誘曰冷和

風所以成穀也國語曰宣王即位不藉于畝號公

諫曰夫民之大事在農也禮記曰躬耕帝藉天子

三推文帝即位賈誼說上曰曰夫不耕或受之飢

帝感誼言始開藉田

夫外患初驚時傾可易內寵終禍武絕乃仍是以

扈奄稱戈啓誦立而生變哀驪名亂幽獻死而再

興易曰易者使傾詩曰仍其祖武尚書序曰啓與

咸朝夏尚書曰武王崩三監及淮夷叛周公相成

王孔安國曰淮夷徐奄之屬史記曰幽王嬖愛褒

用霸

夫乘間上書有同逐影循名濫爵無異販脂是以

一月九遷車丞相之遇至十旬三轉荀司空之逢

時東觀漢記馬援與楊廣書曰車丞相高祖園寢

即一月九遷為丞相者知武帝恨誅衛太子上

書訟于也後漢書荀爽字慈明獻帝即位董卓輔

政徵爽拜平原相行至宛陵復追為光祿勳視事

三日進司空爽自被徵

及為登台司九十五日

夫富不敢驕貧而富則驕甚責不欲諂貴而賤則

留表堂外集

卷一

五

詣尤是以與漂母千金乃出淮陰餓隸為蕭相食

客豈道東陵故侯韓信以千金報漂母未免後憤而驕邵平以故侯作門客未免

畏禍而謫

夫敗行已愧蒙汚飾邪尚矜奪正是以淫婦多智

有喻瑟之齊姬貪吏反明有斂金之文令天祿外史曰齊

有閻者通於齊王之姬姬以目窺于庭瑟音不和

王咤曰汝何為者姬跪而進日妾之寵寄于瑟妾

之展亦以瑟喻也和瑟之音在妾和民之性在君

君誠以妾之寵寵于眾以瑟之和和于民則妾雖

就鼎鑊而明歸于君也徵君曰吾聞智婦多淫淫

婦多藻其齊姬之謂乎武陽令聞龜齡坐贓于獄

中乃相國王允門人其獄竟釋後龜齡遷左馮翊

又與相國之子橫掠良家女婦百人充于閭室以

奉相國京師醜之呼為糞中郎及董卓暴虐王允

俯仰其門龜齡亦恥之遂謝病免爵斂金玉斗乘

以歸客于荆州傳云至貪者明

至倭者殺其文龜齡之謂乎

夫講武季秋乃教田獵環營素節爰整戎剛是以

探薄搜林非熊卜于西伯追風攝景朴牛獲自成

湯禮記季秋之月天子乃教于田獵漢書衛青令

武剛車自環為營張景陽七命曰白商素節戎

剛武剛二車各六韜曰文王卜田史編為卜田于

渭之陽將大得非龍非彪非熊非羆非得公侯天

遺汝師湯獵莘野獲

朴牛為瑞載天問

夫渥洼始生神馬受精于月數閭闔來貢方臯測

相其天機是以若滅沒而弭轍絕塵千里騁驕驄

之足視尺寸而陵州越海九霄竝晨鵠之飛生天馬

渥津春秋考異記曰地生月精為馬月數十二故

馬十二月而生列子伯樂曰九方臯之所觀天機

也尺下之馬若滅若沒若亾若失若此者絕塵與

轍相馬經曰千里馬有三十六尺四寸晨風黃鵠

馬以

鳥名

夫文志繼而存商禹德遠而封杞是以陰謀假道

晉復虞祀為虛又含恨分羹漢葬魯公為忍恥存商

賓宋者文王事殷之志封杞祀夏者大禹明德之

遠左氏傳曰晉滅虢遂襲虞滅之而修虞祀項羽

欲烹太公漢王曰我翁即若翁願分我一杯羹灌

嬰斬項羽東城王為發喪哭臨以原封魯公禮葬

之

夫放桀歸亳會湯者三千伐紂至郊從武者八百

皆因得道而趨亦由離心而隙是以郡縣更置不

免陳項先驅子弟分封安知吳楚作逆周書湯放桀而歸于

亳三千諸侯大會然後即天子位又曰武王渡河

中流白魚人于王舟一朝會武王于郊下者八百

諸侯秦改封建為郡縣而陳項從郡縣起

漢裂郡縣為分封而吳楚又以分封叛

夫渠搜樂浪遠在東西白屋金隣界于南北是以

犁庭勒銘徒後威德之名質于請婚併失羈縻之

實應邵曰禹貢析支渠搜屬雍州在金河關之西

張衡東京賦曰東過樂浪博物志曰北方五狄

一曰白屋即鞞鞞也金隣國去夫南二千餘里土

地出銀人多好獵漢武三犁虜庭按匈奴正月諸

長小會單于庭祠五月大會龍大祭其先天地鬼神龍音龍故曰龍庭竇憲破單于登燕然山令班固作銘紀漢威德

夫人異景倩荀令不亾士學子堅李公復作是以

鳳雛出穴將凡鳥皆驚鶴鳴在陰惟其子能和書

日荀頌字景倩魏太尉或之第六子黃初未除中

即高祖輔政見頌異之曰令君之子也有父風後

漢書曰李固字子堅司徒仰之子少好學四方之

士慕其風而來學京師咸嘆曰是復為李公矣

夫秋螢自照若與黑月爭光精衛徒勞終非滄海

可塞是以齊桓受劫倖成曹沫之功秦政當皇愧

費荆軻之力史記曹沫魯人也以勇力事魯莊公為將與齊三戰三北莊公獻遂邑

之地以和桓公許與魯會于柯而盟曹沫執匕首

劫桓公于壇坫盡還魯侵地荆軻獻燕督亢地圖

于秦圖窮而匕首見軻遂摘秦王不中中銅柱事敗

夫親無不疎仇儷有異交無不絕初終亦分是以

潘岳悼亾念會稽去婦而破滂向秀思舊非泚水

棄友而離羣潘岳悼亾詩悼妻也會稽去婦朱買臣負薪窮困其妻請去向秀思舊賦

思稽康也泚水棄友張耳斬陳餘于泚水上張陳之交絕矣

夫沉冥者棄世而藏敏哲者待清而出是以許由

耳汗偏洗於唐堯任永目明獨盲於蜀述漢書曰蜀嚴沈

冥謂嚴君平也君平棄世譙周考史曰公孫述竊

位於蜀蜀人任永乃託目盲及述誅永引鏡自照

日時清則自明

夫天道甚遠觀象或訛人事可移修德無忝是以

朔日有食梓慎占魯水而靡徵星見兼風禕竈禳

鄭火而不驗

左氏傳昭公二十四年五月朔日食梓慎曰將水叔孫昭子曰旱也秋八月

始昏見丙子風禕竈言于子產曰宋衛陳鄭將同

火請禳之子產不聽亦不復火

夫聖王示儉可卑其宮大易誠奢不豐其屋是以

露臺之費獨借於漢文三休之勞見慳於秦穆

禹

宮室而盡力乎溝洫易曰豐其屋蔀其家闢其戶

聞其無人漢書曰文帝欲作露臺召匠計直而金

日我奉先帝宮室常恐太奢何用臺為史記曰戎

王使由余聘秦穆公引由余登三休之臺由余曰

此臺若鬼為之則神勞矣使人為之

則人亦勞矣穆公大慙惺猶嘲也

夫舜有告訃之旌禹有教道之鼓是以茂才異等

州縣不待察吏民叅帝配王賢良惟能明今古

管子

日舜有告善之旌應劭曰旌幡也設之五達之道

其以道者擊鼓五聲鼓鐘鐸磬鞀也漢武帝詔曰

配三王朕不敏不能遠德賢良明于

古今王事之體受策察問咸以書對

夫七步三義敏而巧就十年一紀鍊而工成是以
腸出甘泉取驚夢于楊子坐榮鸚鵡遂綴筆于福

衡曹植作莫豆詩七步而成劉勰神思篇曰張衡研京十年左思鍊都一紀桓譚新論曰楊雄作

甘泉賦夢腸出收而內之明日遂卒黃祖太子射賓客大會有獻鸚鵡者射謂衡曰願先生為之賦

使四坐咸共榮觀不亦可乎衡筆不停綴文不加點

夫日月重三而被除少長修禊而咸集是以浴沂

童冠論語有取于蔡邕羽觴隨波逸詩更引于束

皙月令通考重三即重五重九之義張說詩暮春三月三日重三韓詩曰鄭國之俗三月上巳之溱

洧兩水之上秉蘭草被除不祥王羲之蘭亭序云少長咸集修禊事也蔡邕曰論語莫春童冠浴沂

今被禊水濱蓋出于此束皙曰昔周公城洛邑因流水以泛酒故逸詩云羽觴隨波

夫非德不交時閉關而卻掃共遊已盡欲哭世而

吞聲是以潘岳閒居仰眾妙以養拙陸機嘆逝思

託契于後生續漢書曰趙壹閉門卻掃非德不交陸機曰或所曾共遊一塗同晏一室

十年之外索然已盡江淹恨賦自古皆有死莫不

飲恨而吞聲潘岳閒居賦曰仰眾妙而絕思終優

游以養拙老子曰玄之又玄眾妙之門陸機嘆逝賦曰託末契于後生余將老而為客

夫鳳鳴岐臺民歌非飾龍游甲沼帝賜非虛是以

三望上林漢王憂項而不入一開昆水武帝吞滇

而有餘賓秦文曰昔者文王有身鳴于岐曰鳳凰百姓陳路而歌羣臣理庭而頌文王曰奚

足為鳳乎是爾飾聞以重予過張衡七命曰有龍游淵盈于孔甲之沼左氏傳蔡墨曰有夏孔甲擾

于有帝帝賜之乘龍河漢各二黃徵君曰漢祖入關三望上林之苑而不入亦項氏為憂也武帝欲

留素堂外集

卷一

九

伐滇南鑿昆明以象滇池習水戰

夫陽鱈備迎餌涸鮒每欲呼人是以引詔伍員

不料之禍交餘張耳終傷撫翼之辰陽鱈之魚迎餌

而前宓子事涸轍之鮒呼人乞水見莊子伯詔自楚奔吳子胥薦之鬪閭與謀國事夫差立詔為太宰讒子胥于王乃賜屬鏹之劍自剄以死班固漢書述曰張陳之交好如父子携手遯秦撫翼俱起

夫脫粟麤飯見薄於故人黑貂敝裘蒙羞於妻子

是以一肴五鼎應遺漢相之譏高位多金寧就蘇

君之死公孫弘以麤飯食故人故人譏弘曰外膳一肴內厨五鼎弘聞而恨曰寧逢惡賓莫

逢故人蘇秦佩相印歸妻嫂迎之曰以季子位高而多金也秦後在燕死于讒

夫潛身無欲者非負性使氣之隱匡君至死者非

市名沽直之忠是以臨潁水而負箕山讓帝位不

改其節退子瑕而進伯玉黜堂殞不貳其衷朱紫

應士為負性使氣之人衛史魚以屍諫死不殯于中堂

夫作車結柳奴星是豈可堪披蒜斲蘇便了非其

所願若使文章有價果易送窮即欲約束多端敢

辭書券是以白傅菱笙之僕嬉逐綃舞偕歡杜陵

伐木之人勞與修筒俱怨韓愈送窮文曰主人使星結柳作車是奴星也

王褒買奴各便了作券文云晨起酒掃食了洗滌當穿白縛帶裁孟鑿斗舍有客至持壺行酤披蒜

斷蘇白居易詠興詩曰菱角執笙簧谷兒抹琵琶紅綃信手舞紫綃隨意歌菱谷紅紫皆小臧獲名杜甫寓夔府時有課伐木修水筒示獠奴諸詩

夫榮條垂落難增枯樹之柯聰耳失明莫起瞽師之視是以翟公罷廷尉身雀無怪盈門孟嘗去青

齊朝暮即看虛市

翟廷尉罷官門可張雀羅孟嘗去齊客曰得無怨平日然客曰

夫入市者朝滿暮虛非人愛朝而惡暮所求不得也

夫鵬之垂天之翼則負風必抃馬少行空之足則

逐電必驚是以謨弼九閣虞廷舉二八以佐馳驅

萬里漢家用四七以爭

二八謂八元八凱四七二八將左思魏都賦相兼

二八將猛四七

夫乘時則微賤可傳落魄則榮華已逝是以衛奴

奮起侍中樂族降為皂隸

漢書衛青父鄭季與陽信長公主家僮衛媼通

生青青姊入宮幸上召青為建章監侍中班固公孫弘傳贊曰衛青奮于奴僕左氏曰樂卻之族降

右皂隸

夫窮陸之氓飲木而多渴失居之士泛宅而無援是以一石千鍾墟肆比京臺之宴重軒別館賈豎

開金谷之園

窮陸千里無水居人琢木汗而飲浮家泛宅謂舟居也無援無樊籬也淳

于鬣五斗亦醉一石亦醉堯千鍾舜百觚淮南子曰楚令尹子瑕設京臺之宴莊王不往口我恐其

流而不能自反壚市謂酒壚市肆

夫倒水可以為瀑欲歸壑則無源翦綵可以為花

欲摘實則無子是以辯莫雄于縱橫長短而譎不

合方辭莫巧于堅白異同而游不勝理

平原君之客有公孫

龍者善為堅白同異之辯平原君曰公無復與孔子高辯事也其人理勝于辭公辭勝于理終必受訕堅白堅守其自同異同其所異

夫向榮桃李翻嘲漢栢失春拂火飛蛾始羨蜀蠶

成繭是以蘇秦佩六印不歸負郭之田李斯就五

刑空想出門之犬

泰山有秦松漢栢崔豹古今注曰飛蛾善拂燈蘇秦既貴而嘆

夫岱嵩不再高崩墮可慮瀛海還須淺變陸可期

是以權重負辰莫知公旦居東之日勢危刺背即

在霍光參乘之時

麻姑三見桑田變海今海水清淺當為陸矣尚書曰武王既喪

管叔及羣弟流言于國曰公將不利于孺子時公輔政王負辰朝諸侯王信流言出公居東漢書曰宣帝始立謁見高廟霍光從參乘上內嚴憚之若有芒刺在背

夫皮相無憑器相何學是以三公可服不足信于

佩刀陋巷長貧豈有徵于淵角

晉中興書曰徐州刺史呂虔有刀工

相之為三公可服此刀虔謂別駕王祥曰苟非其人刀或為害卿有公輔之器故以此相與論語撰考議曰顏回有角額似月形淵水也月是水精故各淵

夫椽竹製於蔡邕納雅猶傳七孔溪銅鑄於歐冶

聞聲尚貴二都是以賜事仲尼持杯而就江海良

逢黃石進履以受神符蔡邕見柯亭椽竹知有奇響製為笛移傳于桓伊說

文曰笛七孔長一尺四寸風俗通曰笛滌也蕩滌邪志納之雅正越絕書曰越王勾踐有寶劍五有

能相劍者各薛燭王召而問之曰當造此劍之時赤堇之山破而出若耶之谿涸而出銅張衡七命

曰楚之陽劍歐冶所營又曰價兼三卿聲貴二都桓譚新論曰子貢對齊景公曰臣事仲尼譬如渴

而操杯器就江海飲滿腹而夫又焉知江海之深也

夫四千里投畀遐荒如寄虎口十五年修吾初服

尚惜鳳毛是以兼兩寫經有少游蕙苴之謗除名

歸老無敬通井臼之勞

莊子孔子曰丘幾不免虎口桓溫薦譙秀表曰身寄

虎吻危同朝露離騷經曰退將修我初服後漢書曰吳恢為南海太守欲殺青簡以寫經書子祐諫

曰大人踰越五嶺此書若成則載之兼兩昔馬援蕙苴興謗王陽衣囊邀名嫌疑之間誠先賢所慎

孫盛晉陽秋曰劉弘顧望除各為民又潘岳一除名東觀漢記曰馮敬通廢于家不畜媵妾常自操

井臼

總計變連珠凡九十一首其末篇薰自序也薰為

伏羌縣令由浙西至隴外四千五百里值巡撫藩

守諸貪吏督責不堪劾脰槐嶺槐樹嶺在伏羌縣東寄虎口

也康熙壬子南還已十五年不入城市不見官府

不交親友杜門觀書安貧知命惜鳳毛也昔留滯
九載錄成詩文集著叢論被誣侵欺數辱對簿有
蒼苒之謗也除名歸田年七十有二老而傳家優
游閒居無井田之勞也噫嘻吁思薰少壯時舉季
廉負時名意廣才疎勿得立功作不朽人乃末路
坎壈脫錄僨鬼溷跡田更今七十七齡矣猶感士
不過弄筆猖狂不大可笑哉歲在丙寅閏四月一
日識



聖